

陳州府志目錄

卷首

序

凡例

目錄

圖經

卷之一

沿革

有表

卷之二

星野

有圖

卷之三

疆域

卷之四

山川 附河渠津梁

卷之五

建置

城池  
郵政

廨署

倉廩

坊巷

集鎮

通舖

卷之六

學校

附名宦諸祠

卷之七

聖蹟

附書院義學

卷之八

聖蹟

卷之九

祀典

卷之十

古蹟

附陵墓寺廟

卷之十一

風俗

附物產

卷之十二

賦役

卷之十三

職官

卷之十四

名宦

卷之十五

武備

卷之十六

選舉

卷之十七

人物  
上

卷之十八

人物  
下

卷之十九

忠義孝弟

卷之二十

流寓

隱逸

方伎

卷之二十一

列女

卷之二十二

列女

下

卷之二十三

仙釋

卷之二十四

藝文

一

詔勅

表奏

告文

虞書

序引

卷之二十五

藝文

二

記

卷之二十六

藝文

三

記

卷之二十七

藝文

四

贊頌銘

傳

碑銘

論辨

墓誌

疏引

賦

題跋

卷之二十八

藝文

五

詩

卷之二十九

藝文六 詩

卷之三十

雜志

祥異

兵變

外傳

幽異

勅府志

楚鄂崔應階吉升氏纂修

沿革

國家設官定成分土蒞民量事繁簡與地遠近大小相維咸有深意雖之時之因革曷嘗不關治道之隆替乎我

世宗憲皇帝治邁百王心入八極因地分職最爲周密于時析陳州爲直隸繼又慮其地廣民稠督率者不可以兼攝庶事更遷爲府增二邑志之稱府宜自茲始也

志沿革



陳州府太昊之墟古宛邱之地神農都之始爲陳

陳舊也謂

伏羲所居之舊都

殷以封舜之後

史記宋忠註云虞思之後箕伯直柄中衰殷湯封遂

於陳以爲舜後

周復封虞嬀滿爲陳侯國

屬豫州

其邑有壺邱

一作狐邱

焦夷

城父株林

今西華縣西夏亭

株野

今柘城縣相苦

今鹿邑縣

鳴鹿

今址在鹿邑

辰陵

在西華

防

博物志曰陳境北防亭在焉今廢

檉

西華南有會禳寺

留

祥符縣鄭邑陳併之時曰陳留

追春秋與項

伯國今項城

頓

子國今南頓鎮

沈

子國今沈邱

爲列國其後滅於楚

周景王十一年

至項

襄王自郢遷都之

周赧王三十七年

秦滅楚以陳爲縣

屬潁川郡

漢初分潁川

淮陽郡

高帝十一年置淮陽國立子

友爲王都陳惠帝元年爲郡高后時復以封所名者

惠子疆及武至文帝卽位仍以爲郡四年徙代王

王之十一年復爲郡景帝二年又以王子餘四年仍

爲郡宣帝元康三年遂爲國封子欽傳至莽世乃廢改曰新平其

縣有陳附郭莽曰陳陵苦 陽夏今太康縣寧平今地在鹿邑扶溝

固始今屬汝寧圉地在杞縣新平地在州東北柘今曰柘城屬歸德府東漢因

之建初四年以汝南之新安西華益淮陽又改陳國

章和二年有陳附郭陽夏 寧平未詳其地苦 柘 新平 扶

樂今地在太康西武平地在鹿邑長平 西華 項 新陽在正西

南圍 宜祿 扶溝 新安 至永元十一年削西

華項新陽十二年削圍宜祿扶溝三國屬魏文帝時

封弟邕及植為陳王後為陳郡晉豫州治陳國又合

陳郡於梁國武帝某年惠帝時仍分梁國立陳郡有陳項

長平陽夏武平苦南北朝屬魏名宛邱曰項置陳郡

有項長平西華襄邑至東魏於今項城置揚州及丹

陽郡秣陵縣北齊曰信州後周改名曰陳州非今郡

治其餘南北僑立疆屬改易南則豫州有陳郡南豫州有南陳左郡又陳縣

屬南梁郡北則東楚州睢州皆有淮陽郡潁川有陳

南郡合州揚州皆有北陳郡南建州有南陳霍州復

有陳及南北陳三郡不可勝紀隋初置淮陽郡改陳州開皇十六年

後廢州置淮陽郡大業初有宛丘開皇初改後析置臨蔡縣大業初仍併入

西華開皇八年改鴻溝大業初復舊澱水今商水扶樂 太康即陽夏鹿

邑鹿即鳴項城開皇初改秣陵為項縣十六南頓鄆

鯽陽唐為陳州淮陽郡有忠武軍貞元元年置宛

邱武德元年析置太康貞觀元年省項城武德四年

賜南頓潑水置沈州并置潑水屬陳州潑水建元二

州興元二年南頓武德初省入項城證聖元年復西

華貞觀初改武城又改箕五代為陳州鎮安軍晉置

復置宋為陳州後陞淮寧府宣和置淮陽郡鎮安軍

有宛邱項城商水即潑西華南頓嘗置行中元復為

陳州附郭屬縣清水至元二明仍為陳州領商水西

華項城三縣而隸於開封并置陳州衛以守之弘治

十一年新益沈邱縣屬焉共統四縣

國朝順治十六年裁衛地歸陳州雍正二年改陳州爲直隸州仍統四縣十二年陞爲陳州府置附郭淮寧縣又益以開封府之太康扶溝凡領縣七

淮寧縣

太康縣

扶溝縣

西華縣

商水縣

項城縣

沈邱縣

舊志載西漢初罷潁川益淮陽按潁川自漢五年以前爲韓王信國邑六年徙信王代復爲郡諸侯玉表序天子自有十五郡而潁川在焉自後爲潁川守者不絕其人並無罷潁川益淮陽之說潁川屬縣二十

舊志所載平輿以下九縣西漢地理志俱屬汝南亦與淮潁無涉至唐設淮陽郡領縣六無沈邱按沈邱本邾州領沈邱宛邱唐初州廢以宛邱隸陳沈邱隸潁舊志載入陳不知所本附論於此其餘舛訛俱依各史輿地叅互訂易

陳州沿革表

總部

郡直隸  
州附

縣

唐虞

豫

三代

春秋

陳頓沈

項

戰國

楚

秦

潁川郡

潁疆 陽夏

漢

兗州部

淮陽國

陳 新平 扶溝 陽夏

豫州部

汝南郡

潁疆 南頓 西華 長平

東漢

兗州部

陳留郡

扶溝

豫州部

汝南郡

南頓 潁疆 項

西華

陳國

陳 長平 新平

三國魏

兗州部

陳留國

陽夏扶樂

陽夏扶溝

豫州部

汝南郡

項西華

晉

豫州部

潁川郡

長平

陳郡

陳長平

汝南郡

南頓

南北朝宋

豫州部

陳郡

項西華長平

梁國

陳項陽夏

南頓郡

南頓

南豫州部

南梁郡

陳

東晉書

卷之二十一 沿革





隋

豫州部

淮陽郡

郟

鞏

潁水

項城

唐

河南道

許州潁川郡扶溝

廣

扶溝

太康

陳州淮陽郡郟

潁水

項城

南頓

西華

太康

潁州汝陰郡沈邱

陳州

宛邱

西華

潁水

項城

五代

梁唐晉  
漢周

潁州

沈邱

梁

東都

開封府

太康  
扶溝

唐

汴州宣武軍扶溝

陳州

太康

晉

東京

開封府

太康 扶溝

漢周

東京

開封府

太康 扶溝

宋

京畿

開封府

扶溝 太康

京西北路

淮寧府

宛邱 項城 商水 西華

南頓

順昌府

沈邱

金

南京路

開封府

太康 扶溝

陳州

宛邱 項城 南頓 商水

西華

元

潁州

沈邱

汴梁路總管府扶溝太康

河南江北行陳州

宛邱西華商水南頓

中書省

項

潁州

沈邱

明

河南布政使司開封府

陳州商水西華項城

國朝

開封府

陳州西華商水項城

河南布政使司直隸陳州

西華商水項城沈邱

沈邱

陳州府

淮寧 太康 扶溝 西華

商 項城 沈邱

淮寧縣新設附府城明初編戶十二里正統後增至六

十六里

永安鄉廂里十八平信鄉里十五孝義鄉十五明化鄉十四又續增四里後歸併

四十五里

撥十一里屬沈邱併十里

國朝順治三年知州趙煒併爲四里十六年裁衛歸州知州王宏仁分爲五里共編九里

興孝

興弟

興忠

興信

興溫

興良

興恭

興儉

興讓

太康縣在府北七十里陶唐氏始畫九州屬豫州有虞

氏肇十二州在徐豫之交仍隸豫州夏后氏宅九州

仍虞舊太康畋于有洛之表十旬弗反羿拒諸河築

城以居今有太康陵商成湯仍九州盤庚遷都于亳

縣在畿內周武王封舜後胡公爲陳侯縣屬陳爲陽

夏邑公子靖伯庚居轅鄉因爲姓春秋天王使轅濤塗爲陳大夫食邑

陽夏戰國晉大夫魏斯趙籍韓虔三分縣屬魏秦始皇二十二年滅魏置陽

夏縣屬三川郡漢宣帝元康三年封子欽爲淮陽王

縣屬淮陽國王莽篡廢東漢章帝建初間分三十五里爲

扶樂縣與陽夏俱屬淮陽後漢昭烈之世陽夏在魏

境晉太康二年分天下爲十五道陽夏屬梁國隋改

太康縣屬匡城後置陽夏郡改爲匡城

大業初廢

唐太康

縣屬陳州貞觀元年分天下爲十道省扶樂入焉梁

太康縣屬拱州宋屬開封府金屬汴梁路元屬汴梁

路明屬河南布政使司開封府

國朝因之雍正十二年改屬陳州府明初編戶二千七里

天順間續添八里合三十五里弘治間增五里嘉靖

三年革除仍三十五里今併編戶八里

大吉北里

留耶南里

留耶北里

明子西里

金堆里

高賢里

高陵里

葛岡里

扶溝縣在府城西北一百四十里古豫州城周封同姓

爲晉地

三卿分晉屬魏

鄭人始置桐邱城

在桐邱東二十里鄭人築以禦楚水

經註洧水東逕桐邱又東南逕桐邱城左傳莊公二十八年楚伐鄭鄭人將奔桐邱卽此京相璠曰鄭地

也去許昌故城二十五里西面桐邱其城長而不方馮邱之稱卽城之名

秦屬三川郡漢

置扶溝縣于穀平鄉屬淮陽國

穀平鄉在今縣治東北五十里崔橋之穀

岡南小扶城有舊址其地有扶亭有洧水溝故名

宣帝神爵三年置新汲縣

于許之汲鄉

今縣治西南二十里離下村卽其地本汲下譌稱離下顏師古註曰以河內有

汲故

加新三國時兩縣並設屬魏

扶溝在穀平鄉新汲在汲鄉皆非今縣治晉

省扶溝入新汲屬潁川郡

縣治仍在汲鄉

元魏復設兩縣屬

許昌郡隋省新汲入扶溝

縣治仍在穀平鄉

隋末移扶溝縣

治于桐邱城屬潁川郡

新汲廢

唐屬許州忠武軍武德



四年以縣置北陳州是年州廢改隸洧州尋廢仍名

扶溝縣

洧州卽今洧川縣在漢屬扶溝許之曲洧是也至唐分其地爲州故扶溝隸之未幾州廢

縣名如故

五代梁屬開封府許州後唐隸汴州宣武軍宋

屬東京開封府

時縣北置通許鍾咸平中改鍾爲縣

金屬南京開封府

元屬南京汴梁路明屬河南布政使司開封府

國朝因之雍正十二年改屬陳州府明初編戶八里稱保

正統時增八保天順增三保弘治增一保 國初合

爲十保康熙五年邑令高招辰墾荒立高興保八年

改廢藩籽粒地爲更名保今共編戶一十二里

會坊

練寺

尹村

苗許

孟亭

侯謝

義聲 寺臺 支臺 天蔚 高興 更名

西華縣在府城西七十里禹貢豫州之域殷盤庚都亳地屬王畿周武王封舜後胡公滿於陳屬陳春秋時楚滅陳屬楚秦始皇分天下爲三十六郡屬潁川郡西漢始治長平西華二縣屬汝南郡東漢因之三國時縣屬魏晉省西華入長平屬梁國南北朝宋復置西華縣元魏西華屬陳郡北齊省長平入西華改北揚州爲信州西華屬焉唐西華屬淮陽武德初改箕城縣以紂嘗拘箕子於此故名貞觀二年省西華入宛邱長壽二年復置武城縣神龍初復爲箕城縣景雲元年仍爲

西華屬陳州宋宣和元年改陳州爲淮寧府西華屬焉金西華屬陳州元因之明屬河南布政使司開封府陳州

國朝因之雍正二年改陳州爲直隸十二年陞爲陳州府縣仍屬焉洪武時編戶十三里正統間增六里天順增二十九里嘉靖九年併十二里三十四年增二十里二里國初順治四年歸併四里今編戶二十里

平一 平二 平三 平四 平五 樂一 樂二

樂三 樂四 樂五 安一 安二 安三 安四

安五 甯一 甯二 甯三 甯四 甯五

商水縣在府城西南七十里禹貢豫州之域商爲畿內  
地周春秋時屬楚左傳魯僖公二十五年楚鬬克屈  
禦寇以申息之師戍商密是也秦稱澧彊縣屬潁川  
郡漢改澧彊屬汝南郡東漢因之晉省隋開皇十六  
年復置澧水縣屬淮陽郡唐建中二年置澧州興元  
二年州廢以縣屬陳州淮陽郡五代屬陳州宋建隆  
間避宣祖諱改商水金元因之屬陳州明屬河南布  
政使司開封府陳州

國朝因之雍正二年陞陳州爲直隸州十二年陞爲陳州  
府縣仍屬舊十二里知縣原英煌均爲四里今編戶

五里

仁化

義和

道泰

德政

更名

項城縣在府城南一百二十里禹貢豫州之域周初爲  
項子國春秋魯僖公十七年滅於季氏戰國屬楚秦  
并天下改屬潁川漢稱項縣別屬汝南晉屬陳後又  
屬梁南北朝劉宋屬陳東魏改置揚州及丹陽郡秣  
陵縣又改曰北揚州梁改曰殷州北齊改曰信州後  
周改曰陳州隋開皇初改秣陵復稱項縣屬淮陽郡  
唐因之宋屬淮寧府金屬陳州元至正二年省入商  
水尋復之增稱項城縣明屬河南布政使司開封府

陳州

國朝因之雍正二年改陳州爲直隸十二年陞爲陳州府  
縣仍屬舊編戶十五里稱鄉今編戶五里

招遠

普惠

懷德

重興

長安

沈邱縣在府城東南一百四十里周文王第十一子聃

季食邑于沈爲沈子國

按穎舊志穎春秋爲胡子國  
沈子國西一百二十里卽今

下沈邱

至敬王十四年夏四月庚辰蔡公孫姓帥師滅

沈以沈子嘉歸殺之蔡滅後屬楚秦屬穎川郡漢屬

汝南郡置平輿縣三國晉南北朝同隋開皇時析項

城置沈州唐武德四年置潁州領四縣

汝陰穎上  
下蔡沈邱元

至元二年以潁州屬汝寧府省四縣及錄事司入州

後復領三縣

沈邱潁上太和

明取潁州改潁隸鳳陽府省沈

邱汝陰二縣沈邱縣廢弘治十七年撫按以陳潁相

距三百餘里民無統紀奏割陳潁項三處邊隅地復

設沈邱縣

國朝因之屬開封府陳州雍正二年改陳州爲直隸州縣

仍屬四年避孔子諱丘旁加邑讀作期音十二年改

陳州爲陳州府縣仍屬編戶一十三里舊撥陳州十

五里潁州五里項城二里收集流寓湊爲三里共二

十五里紙上戶口實有未敷正德時削五里嘉靖初

又削五里止存十三里

務本

新泰

大善

達順

孝城

永安

感化

宣有

沈三

沈四

沈五

河北二

河北三

附辨疑二條

舊志

陳乃禹貢豫州之域

春秋陳侯之國也其曰淮陽者

以其在淮水之北故

第歷代有沿革而他土或同

其稱是不容於無辨

者按漢置淮陽國自漢高始隋

置淮陽郡唐因之此陳號淮陽之顛末也他如正陽

屬汝南郡隋嘗以其初元年改淮陽矣又輿地廣記



淮陽縣在漢陵縣泗陽之間有淮陽城而梁蕭衍因置淮陽郡則後魏尉元所稱先定下邳平宿豫鎮淮陽者是已至宋太平興國七年以下邳宿遷二縣置淮陽軍蓋皆揚州之域而非吾陳之所謂淮陽郡也舊志誤以彼中一人參紀而名宦亦有崇祀之者殊未深考今特詳辨於此庶令博雅君子無致混淆云

俗傳州東關爲昭那府考之載籍無所見豈陳嘗設招討府爲中志所遺而後譌稱之耶抑漢皇甫嵩爲朝那人曾討黃巾于此而爲之府耶未能詳究姑記于此以俟知者辨焉

附陳州政府原由

雍正十一年九月河南直隸陳州知州黃起盛爲敬  
陳末議仰祈電登以重地方事竊照直隸知州責任  
綦重實與知府無二兼有本州一切自理事務非止  
表率屬邑而專一其事也伏查陳州幅頓遼澗綿亘  
數百餘里界連八已犬牙相錯河通淮泗路達江楚  
更有所屬周家口一帶地方水陸交衝五方雜處一  
切刑名錢穀稽查保甲各處驗勘難以悉舉事本繁  
多編戶九里額征丁地七萬有奇地廣人稠鞭長莫  
及實豫省直隸州中之最繁難治之區本州一州催

科聽訟業已竭蹙不遑其所轄西商項沈四縣案牘較他處更爲尤甚既有不時盤查督催之責復有稽察審轉之繁知州一官實難綜理卑職竊謂雖長才肆應之員不無顧此失彼之慮卑職荷蒙提拔調補茲土才識短淺事多蚊負雖竭盡駑駘日夕黽勉惟恐隕越倘有貽悞于係匪輕何敢隱忍緘默况前奉大憲諮訪利弊宜興宜卑卑職謹按實在情形敬陳始末可否請照江南徐州直隸天津山西蒲州澤州等處之例將陳州改爲府治添設一縣各司其事庶責任專而治理亦易繁非重地可免貽悞之虞矣卑

職爲地方起見不揣冒昧倘蒙允行其應設官員衙署俸工役食事宜另行分晰冊報外是否可採理合申詳憲奪批行確議實爲公便

河南布政使司布政使盧爲鼎籌豫省府州情形敬抒末議仰祈

睿鑒事雍正十二年九月十一日奉 總督河東部院王劄付雍正十二年九月初十日准吏部咨文選清吏司案呈吏科抄出河南總督工等題前事奉

旨該部議奏欽此會議得河東總督王疏稱直隸州缺原係因時建置沿革不常通計河南一省共有直隸七

州其中或有應改設知府有應裁并歸郡亦有實無別府可歸又不便另設知府者如陳州一州南通三省東接江南地方衝要公事繁糧額甚多又兼轄四縣案牘叢集知州一官顧此失彼不足以資彈壓請將陳州改爲陳州府另設附郭一縣同原轄之西商項沈四縣併鄰近之開封府所屬之扶溝太康兩縣統歸新設知府管轄等語應如該督所請陳州直隸州准其改爲府治附郭添設一縣其原屬之西華商水項城沈邱併鄰近開封府屬之扶溝太康兩縣俱歸於陳州府管轄又疏稱陳州改府治應請將知

州改爲知府另設附郭知縣判改爲府通判吏目  
改爲府司獄兼管府經歷事學正改爲府教授訓導  
改管附郭縣學添典史一員現在州學文武生員各  
半分隸肄業所有入學名數並廩增貢額統俟另議  
具題陳州府仍歸開歸道管轄倉庫錢糧亦應該道  
盤查添設新縣伏候

欽定佳名知府並通判教授以及各縣府司獄各員印信  
應請

勅部鑄給以昭信守至知府通判各官各居舊署其新設  
知縣典史二員衙署倉庫併戶役俸工等項另行查

議報部等語亦應如所請至於該府縣歲科兩試入  
學名數以及廩增貢額俟該督會同學政妥議具題  
到日再議又疏稱陳州新改知府必得熟習地方強  
幹敏練之員方克勝任查有現任祥符縣知縣安鳳  
彩年力富強精明幹練堪膺表率之任請將安鳳彩  
補授陳州府知府實屬人地相宜如蒙

聖恩俞允并將安鳳彩給咨送部引見伏候

聖鑒等語其裁缺之現任陳州知州黃起盛留於豫省或  
仍以直隸州知州或府屬州出該督酌量題補裁缺  
之州判吏目等官應留於本省俟有相當員缺咨補

學正准其借補新設教授仍照原銜陞轉訓導准其  
改管新設學其改設之通判知縣司獄典史各缺吏  
部照例銓選可也雍正十二年八月十八日奉

旨依議

陳州府志卷之一終





陳州府志卷之二


楚鄂崔應階吉升氏纂修

星野


天官一書人皆見之星辰懸象人皆仰之乃求其分野所屬纏次度數究無一定之指故舊志謂陳之星野紛紛之說訖無定論今按陳州七屬豫州之域分野在鄭角亢之次獨太康之境東屬宋分自宜兼應房心耳但載籍所稱雖有可據而星象精微亦難意定傳曰天道遠人事邇豈不信夫志星野

陳州府七屬俱豫州之域分野在鄭角亢之次獨太康


之境東屬宋似宜兼應房心餘俱鄭分也




兩星南北正直着中  
 有平道上天田總是一  
 黑星兩相連別有一  
 烏名進賢平道右時  
 獨淵然最上三星周  
 鼎形角下天門左平  
 星雙雙橫于庫樓上  
 庫樓十星屈曲明樓  
 中五柱十五星三三  
 相似如鼎形其中四  
 星別名衡南門樓外  
 兩星橫角二星一  
 十二度距南星去極  
 九十七度在赤道外  
 六度舊歷日去極九  
 十一度唐一行測角  
 距南星去極九十三  
 度半




四星恰似灣弓狀大  
 角一星直上明折威  
 七子亢下橫大角左  
 右攝提星三三相似  
 如鼎形折威下左頓  
 頭星兩箇斜安黃色  
 精頭南二星號陽門  
 色若頓頭直下存  
 亢四星九度距南第  
 二星去極九十五度  
 在赤道外六度舊經  
 距南去極八十九度  
 唐一行距南去極九  
 十一度半



四星似斗側量米天  
 乳氏上黑一星世人  
 不識稱無名一個  
 搖梗河上梗河橫列  
 三星狀帝席三黑  
 之西亢池六星  
 提氏下眾星騎官  
 騎官之眾二十七  
 三相連十欠一陣軍  
 氏下騎官次騎官下  
 三車騎位天輻兩司  
 在陣旁將軍陣裏  
 威霜 氏四星一  
 五度距西南星去  
 一百四度在赤道外  
 一十三度舊經距西  
 南星去極九十四度  
 唐一行測氏距西南  
 星去極九十八度



四星直下至明堂鍵  
 閉一黃斜向上鈞鈴  
 兩個近共旁罰有三  
 星直健上兩威夾罰  
 似房狀房西一星號  
 為日從官兩個日下  
 出第房四星五度距  
 南第十五度在赤道外  
 一十四度舊經距南  
 去極一百八度唐一  
 行測房距南法極一  
 百二十度半



心三星中央色最深  
 下有積卒共十二星  
 三相聚星下是心  
 三星五度距西第一  
 星去極一百一十四  
 度在赤道外三十三  
 度舊經距西第一星  
 去極一百八度唐一  
 行測心距西第一星  
 去極一百一十度

周禮保章氏鄭註云大辰豫州也

西漢地理志韓地角亢氏之分野也詩風陳鄭之國與韓同星分焉自胡公後二十三世爲楚所滅陳雖屬楚於天文自若其故自東井六度至亢六度謂之壽星之次鄭之分野與韓同分

唐天文志角亢壽星也初軫十度餘八十七杪十四少中角八度終氏一度自原武管城濱河濟之南東至封邱陳留盡陳蔡汝南之地逾淮源至於弋陽凡隨申光皆豫州之分宜屬鶉火古陳蔡許息江黃道相沈賴蓼頓胡房弦厲之國氏涉壽星當洛邑衆山之



東與亳土相接次南直潁水之間曰太昊之墟爲亢分

又曰氏房心大火也初氏二度餘千四百一十九杪五  
太中房二度終尾六度自雍邱襄邑而東循濟陰界  
於齊魯右泗水達於呂梁乃東南接太昊之墟盡古  
宋曹鄆滕茅郜蕭葛向城偃陽申父之國西接陳鄭  
爲氏分

宋兩朝天文志天市垣二十二星東西各列十一星其  
東蕃十一星南第一星曰宋西蕃十一星南第八星

曰鄭

明史天文志陳州亢分自軫十度至氏一度壽星之次也  
也次房心分氏二度至尾二度大火之次也

角亢壽星之次宮屬天暢於辰在辰鄭之分野班志起  
東井六度至亢六度費直起軫十度蔡邕起軫六度  
陳卓及皇甫謐起軫十二度至氏四度唐一行大衍  
歷初軫十度中角八度終氏一度明大統歷起軫十  
度止氏一度

氏房心大火之次宮屬天秤於辰在卯宋之分野費直  
起氏十一度蔡邕起氏九度陳卓及皇甫謐起氏五  
度至尾九度唐一行大衍歷初氏一度中房二度終

尾六度明大統歷起氏二度止尾二度

角二星爲天關其間天門也其四天庭也故黃道經其中七曜之所行也左角爲天田爲理主刑其南爲太陽道右角爲將主兵其北爲太陰道蓋天之三門猶房之四表星明大吉王道大平賢者在朝其屬曰

南門二星在庫樓南天之外門也主守兵禁星明則遠方來貢

庫樓十星六大星庫也南四星樓也在角宿南一曰天庫兵車之府也旁十五星三三而聚者柱也中央四小星衡也實爲吉

平星二星在庫樓兆角南王平天下法獄廷尉之象正則獄訟平

平道二星在角宿宿間主平道之間武密曰天子馭遠之衢王輒軾明正吉

天田二星在角北主畿內封域武密曰天子藉田也歲星守之穀稔

天門二星在平星北武密云在左角南朝聘待客之所星明萬方歸化

進賢一星在平道西主躋相舉逸材明則賢人用歲星太白填星辰星合守之其占爲天子求賢黃白紫氣

陽州府志 卷之二  
貫之草澤賢人出

周鼎三星在角宿上主流亡星明國安

亢四星爲天子內朝總攝天下奏事聽訟理獄錄功一  
曰疏廟主疾疫星明大輔忠民安其屬曰

大角一星在攝提間天王座也又爲天棟正經紀也光  
明潤澤爲吉

折威七星在亢南主斬殺斷軍獄

攝提六星左右各三直斗杓南主建時節伺機祥其星  
爲楯以爽擁帝座主九卿色溫不明天下安

陽門二星在庫樓東北主守監塞禦外寇

頓顛二星在折威東南主考囚情狀察詐僞也星明無咎

氏四星爲天子舍室后妃之府休解之房前二星適也後二星妾也又爲天根主疫大則吉其屬曰

天乳一星在氏東北當赤道中明則甘露降

將軍一星騎將也在騎官東南總領車騎軍將部陣行列

招搖一星在梗河北主邊兵

帝席三星在大角北主安獻酬酢星暗天下安

亢池六星在亢宿北亢舟也池水也主渡水往來送迎

騎官二十七星在氏南天子虎賁也主宿衛星衆天下安

梗河三星在帝席北天子也一曰天鋒主北邊兵

車騎三星在騎官南總車騎將主部陣行列

陣軍三星在氏南一云在騎官東北革車也

天輻二星在房西斜列主乘輿若周官巾車官也近尾

天下有福

房四星爲明堂天子布政之宮也亦四輔也下第一星

上將也次次將也次次相也上星上相也南二星君

位北二星夫人位又爲四表中爲天衢爲天關黃道

之所經也南間曰陽環其南曰太陽北間曰陰環其北曰太陰七耀由乎天衢則天下和平由陽道則旱由陰道則水亦曰天駟爲天馬主車駕南星曰左驂次左服次右服次右驂亦曰天廐又主閉閉爲畜藏之所由星明則王者明其屬曰

鍵閉一星房東北主關籥明吉

鈞鈴二星在房北房之鈴鍵天之管籥王者至孝則明又曰明而近房天下同心

東咸西咸各四星東咸在心北西咸在房西北日月五星之道也爲房之戶以防淫佚也明則吉



罰三星在東西咸正南主受金罰贖

日一星在房宿南太陽之精主昭明令德明大則君有  
禮

從宵二星在房宿西南主疾病巫醫

心三星天王正位也中星曰明堂天子位爲大辰主天  
下之賞罰前星爲太子後星爲庶子明大天下同心  
其屬曰

積卒十二星在房西南五營軍士之象主衛士掃除不  
祥星小爲言

陳州府志卷之二終

陳州府志卷之三

楚鄂 崔應階吉升氏纂修

疆域

自黃帝畫野便有都邑之分越周室分茅更嚴封疆之界秦漢以來郡縣立而疆域愈見其條分而縷晰矣雖天下一家非有此疆彼界之殊而慎四封以專責守按道里以課事程則地之遠近邑之大小有不可不詳者志疆域

陳州府

東至歸德府鹿邑縣界四十里

西至許州臨潁縣界一百五十里

南至汝寧府汝陽縣界一百三十五里

北至開封府通許縣界一百五十五里

東南至江南鳳陽府太和縣界一百九十里

西南至許州鄆城縣界一百三十里

東北至歸德府柘城縣界五十里

西北至開封府鄆陵縣界一百六十五里

東西廣一百九十里南北袤二百九十里北抵

京師一千八百六十里至省城二百八十里

東至歸德府鹿邑縣界四十里

西至西華縣界六十里

南至項城縣界六十里

北至太康縣界四十里

東西廣一百里南北袤一百里

### 太康縣

東至歸德府柘城縣界五十里

西至扶溝縣界六十里

南至淮寧縣界五十里

北至開封府杞縣界七十里

東西廣一百一十五里南北袤一百二十里北抵

京師一千八百里至省城二百二十里南至府城七十里

扶溝縣

東至太康縣界三十五里

西至鄆陵縣界二十五里

南至西華縣界四十里

北至通許縣界六十里

東西廣六十里南北袤一百里東北抵

京師一千七百七十里至省城一百八十里東南至府城

一百四十里

西華縣

東至淮寧縣界三十里

西至許州臨潁縣界八十里

南至商水縣界三十里

北至扶溝縣界三十里

東西廣一百一十里南北袤六十里抵

京師一千八百里至省城二百四十里東至府城七十里

商水縣

東至淮寧縣界二十里

西至西華縣界八十里

南至汝寧府上蔡縣界三十里

北至西華縣界二十四里

東西廣一百里南北袤五十四里北抵

京師一千八百里至省城二百一十里東北至府城北  
里

頃城縣

東至沈邱縣界二十里

西至汝寧府上蔡縣界二十里

南至汝寧府新蔡縣界八十五里

北至淮寧縣界六十里

東西廣四十里南北袤一百四十五里北抵

京師一千九百八十里至省城四百里北至府城一百二十里

沈邱縣

東至江南鳳陽府太和縣界五十里

西至項城縣界四十里

南至江南潁州府界十八里

北至淮寧縣界五十里

東西廣九十里南北袤六十八里北抵

京師二千里至省城四百二十里北至府城一百四十里



形勢附

陳州府蓋伏羲仰觀俯察之墟神農繼之地雖廣平無

名山大川

詩經朱註

然形勢咸自嵩而來南襟淮蔡荆塗

拱揖於前北枕魏梁河濟環流於後右挹外方之秀

左控孟諸之麋

世紀云太昊都陳豫州之域西望外方東不及孟諸外方山名卽嵩山孟

諸澤名在今歸德

有西銘以昭其筋絡有汝潁以通其脉有

穀蔡以流其穢周備三恪

周以前代之後爲三恪恪敬也言敬之爲實不敢臣

也宋雄諸輔

宋以陳曹許滑鄭州爲輔郡之雄

居中山之

衝要

本州脩造記

乃西楚之名都

路史國名陳號西楚

鹽鐵論云燕

之涿薊趙之邯鄲魏之溫軹韓之滎陽齊之臨淄楚之宛邱鄭之陽翟二周之三川富冠海內皆天下名

都居五諸侯之衝  
跨街衝之路也

勁兵之處

史記用文之國

唐天文舟志序

車駢會財賦之區

西華舊志及本州譙樓上梁文

禮教夙嫻英賢之

藪

上梁文及科舉題名記

古蹟多於列郡

史記

土壤饒於他邦

舊志實諸藩之控扼東南之都會也

淮寧縣 附郭

太康縣東阻長白西據華陽

省志

平原沃壤百穀繁殖無

事易享殷富之樂倉卒亦無守禦之險

舊志論

扶溝縣土壤皆平曠地勢無崎嶇

見一統志

前峙兩岐之阜

後縈雙洎之流

見本省通志

左顧則嵩行繚其西前瞻則

陳鄧包其南河洎夾流溱洧環繞

見空同集

岡阜綿亘乎

西北河渠環繞乎東南

見雪  
厓集

西華縣遠挹蓮陂之秀近接潁水之流

省志

商水縣界陳蔡之間地勢平行無高山大川之秀麗祇有潁水環其北淮溝繞其南西則鄧城巨鎮東則古商邱城距縣二十里與項接壤商之形勝蓋如此云

項城縣左枕高邱右連神阜南襟潁水北帶澍河走馬

溝環抱於東輸羊港經流於西

通志

虹水橋橫頓邱市

集郡

志

沈邱縣席陳潁之交會而當道里適均之地據兩河之襟帶而有上下分合之流控項城而引太和掖鹿邑

而聯新蔡一方保障國亦有可恃者舊志梁宋吳楚之

衝齊魯汴洛之道

陶弘景信州記

襟帶長淮控扼陳蔡

風土記

前帶潁水後枕平輿

河南通志

陳州府志卷之三終



陳州府志卷之四

楚鄂崔應階吉升氏纂修

山川 河渠津梁附

易曰地險山川邱陵也故郡邑無大小莫不有山川  
以爲之環衛拱護毓秀鍾靈陳地雖無廣川大山然  
遠接崧高近環潁汝其靈淑之氣固已啟文明于上  
古矣第勢居洿下潁汝渙濕沙蔡溱洧之水悉逕陳  
境歸宿于淮而新溝滎蕩鄧陂賈渠又皆湮廢莫考  
每秋雨時至百川灌河患同襄陵且此疆彼界又各  
爲曲防隣壑計守茲土者可不援古証今枝分派別

或疏或築詳志載籍以除民患而獲潤物之溥利耶

### 志山川

陳州府

附郭淮寧縣

西銘山

據紀纂淵海在府西北今城西北一帶地勢豐隆隱然若山故老相傳有耕地得墻基者

疑宋之西園或依此而爲之乎今人以城西池外高岸當之不知此舊城之西乳耳有指城中南十字街

爲西銘宛邱

爾雅云宛中宛邱又云邱上有邱爲宛山近是宛邱又云天下名邱五其三在河南其二

在河北毛氏云四方高中央下爲宛邱孔氏曰釋邱云宛中宛邱言中央宛宛然是爲四方高中央下郭

璞亦謂中央隆峻狀如一邱韞邱孔子在陳巫馬期則與爾雅合與毛孔正反矣與子路蘄於韞邱

之下今不清邱治北五十里高二丈五尺漢淮陽王嘗登之以張安有清邱故名此以寄

思燕邱城東南四十里高五丈鞍子嶺城北二十五里霍河之南

形似鞍  
故名

### 河渠

沙水

卽汴水之分派也源出滎陽縣大周山下東流至中牟縣分爲二派一東注爲汴一南注爲沙

蓋源出滎蕩渠也按水經河水又東過滎陽縣滎蕩渠出焉註云大禹塞滎澤開之以通淮泗卽經所謂滎蕩渠也渠水又東南流逕開封縣睢渙二水出焉右則新溝又東北注梁卽沙水也音蔡渠又北屈分爲二水續述征記曰汴沙到浚儀而分也汴東注沙南流考此則沙蔡似屬一水而字音讀別世謂此水爲小黃河蓋亦渠與河通名猶存實耳今汴沙自扶溝而下非復水經之故道惟由賈魯河逕朱仙鎮自白家潭入境至扶溝縣東北受溱洧二水世謂雙洎河又東南過西華縣環城西北東而下逕淮寧縣李方口又南至周家口

潁水

源出河南府登封縣陽乾山卽水經所謂陽城縣也

入商水縣境注于潁

註云今潁水有三源右水出陽乾山之潁谷中水導源少室亦或謂是水爲澠水東與右水合左水出少



室南谿東合潁水流逕禹州北卽經東南過陽翟縣北是也又逕許州界水經註潁水又南逕潁鄉城潁陰縣故城在東北舊許昌典農都尉治也又逕襄城縣西北亦謂是水爲渚河經註云潁水又東南流陂水注之水受大崇邱城南故汾邱城也司馬彪曰襄城縣有汾邱杜預曰在襄城縣之東北也又至臨潁縣北會石梁河經註云潁水又東南流而歷臨潁縣是也又過臨潁縣南潁水入焉名曰魯固河又曰清流河經云又東南過汝南潁強縣北洧水從河南密縣東流注之註云孫河取潁陽潁強城在東北潁水不得逕其北也潁水又東南潁水入焉非洧水也考今商水縣卽潁強故邑在西華之東南今潁水由西華縣北又東南逕商水縣北入於沙汝卽今所謂太沙河也據經所叙潁強在北則今商水非故地矣以止潁水故道與經註相同以下則沙汝同流互有變易矣按汝水源出嵩縣之天息山白龍池水經曰出河南梁縣乃今汝州也註云今汝水西出魯陽縣之大盂山黃栢谷西卽盧氏界也自嵩逕伊陽縣註云東歷麻解城北杜預曰城在河南新城縣之東南考新城卽今之伊陽也又逕汝州南由寶豐縣至鄉

縣卽經所謂又東南逕潁川郟縣南註云汝水又西  
逕爲湖俗謂之東長湖湖水下入汝古養水也水出  
魯陽縣北將孤山北長岡下又東逕沙川世謂之沙  
水又東逕沙亭南故養陰里也京相璠曰在襄城郟  
縣西養水名也俗以是爲沙水是今太沙河之名所  
自起也又逕襄城縣西卽經註汝水又東南逕襄城  
縣故城南是已又逕葉縣北滄水西來注之經註云  
汝水又東屈堯山西水流兩分一水東逕堯山南爲  
滄水又東逕郟城縣北澧水注之經曰又東南過郟  
縣北註云澧水東逕郟縣故城南左入汝是也又東  
南流灤水注之經注汝水又東南流逕鄧城西又東  
南流灤水注之按西華商水境內亦有鄧城悞作春  
秋時蔡侯會鄭伯處今考經註所謂鄧城在郟城縣  
東南三十里是西華商水之鄧城爲鄧艾屯田之地  
明矣汝水又過西華縣小窰西入境逕商水縣北孫  
家嘴合于潁以上沙汝源流與水經合以下則潁汝  
同流非復昔日故道矣潁水又東逕周家口西漆洧  
沙蔡之水由賈魯河北來注之又東逕淮甯縣南白  
馬溝受清水柳社二河之水經註云潁水又東南逕  
陳縣南是也又東至潁岐口分爲二枝一東南流逕

南頓又曰澱河經註云潁水又東右合谷水水上承平鄉諸陂東北逕南頓縣故城南側城東注春秋左傳所謂頓迫于陳而奔楚自頓徙南故曰南頓也按今項城縣西北有平鄉店其南有澱河東注于潁疑是平鄉諸陂故瀆澱河蓋卽谷水澱谷同音耳又東南過項城縣北受澱汾二水按此項城非經所謂項縣也又東南入今沈邱縣境受虹河泥河諸水至縣城南世謂小沙河又東南逕故沈邱縣北又東逕潁州北復滙大沙河今潁岐口已湮塞惟東一枝過淮甯縣南新站集按新站在南頓北三十里經曰東南過南頓縣北疑此地近是又東逕故項城南卽沈境之槐坊店故項治也經註云楚襄王所郭以爲別都內西南小城項縣故城也又東逕沈邱縣北新安集受枯河水疑卽蕩蕩渠水入潁處又東逕紙店南又東逕界首集南出境又東逕太和縣南又東逕潁州北而注於淮按水經汝水自鄆城而下又東南過汝南上蔡縣西又東過平輿縣南又東至原鹿縣南入于淮通志云汝水東入鄆城縣南而入汝甯府西平縣界余嘗遊歷陳蔡襄葉間見汝水至鄆城縣東南流入陳境並無逕由西平且考南頓光武廟碑

謂舞陽從雲莊塞汝故道是今汝水已同潁水合流入淮與昔水經所載不同矣舊志僅載沙潁二水而

于塗汝則略焉夫塗汝逕山陳境百十餘里而後合于潁水豈可視作境外川源略而不講耶今則備載

志乘並詳考經註參之閱歷以備考訂蔡河在郡北蓋亦經註所云既在遼見不容不述也

按五代史周顯德六年引河入蔡以通陳潁之漕又于近城鑿渠築倉城以便儲守宋時陳蔡之粟自此

入汴明初猶置七閘以通舟楫其渠自府城西折而南家窪起逕太昊陵前而東至護城堤東北隅

流受七里河水又南合于枯河至忠心集分爲二枝一由馮唐集展家口入潁一由魯臺集至沈邱縣境

新安集入潁因引蔡水故枯河舊志謂卽沙水故道亦曰蔡河乾隆九年濬上流自長平故城北

來今皆淤塞但自郡西北二十里上承陂水漸爲河東流逕沙窩店北又東爲九里溝卽陳佗溝

南逕郡東又南十餘里合于蔡水稍南又分東流逕試劍塚南又東南逕故黃花城又南入沈邱縣境新安集東江于潁按水經註沙水又東南逕東華城西又南與廣漕渠合上承龐官陂云鄧艾所開也昔

賈逵為豫州刺史通運渠二百里餘亦謂賈侯渠也

又東逕長平故城北又東南逕陳城北又東而南屈

逕陳城東謂之百尺溝又南分為二水沙水出馬溝

水東南流谷水注之又東南流注于潁今考上源雖

湮淤莫辨然自郡北至入潁處悉谷水在郡城西北

與水經相合疑即古之百尺溝也按水經註水

源上承滂陂陂在陳城西北南暨華城皆為陂矣陂

水東流謂之谷水東經滂城北王隱曰犖北有谷水

是也犖即檉矣經書公會齊宋于檉者也杜預曰檉

即犖也小城也在陳郡西南谷水又東流逕陳城南

又東流入于沙今考谷水莫識其源惟郡西北有清

水河南流逕土中坡至搬罾口又西華縣東有柳社

河南流逕故清河驛亦至搬罾口合流是曰白馬溝

似即谷水但俱南流入潁而經所謂逕陳城南東流

入沙者不灌河舊志謂為蔡河即宋惠民河自汴城

復可考矣東南流至郡城西北五十里明馬集

入境東流至鞍子嶺土人呼為黑河亦曰濶河蓋音

同字訛耳又東至臨蔡城北又東逕戴家集南合太

康裏溝河水又東流至安溝唐王大口合外溝河水

東流入鹿邑縣境按潁陽志曰蔡河即古之琵琶

溝胡氏曰琵琶溝自東京戴樓門入京城宣化水門  
出投東南下經陳州過鹿邑界蔡河口而入潁今上  
源故瀆湮廢莫辨惟自鞍子嶺而下兩岸寬廣百餘  
尺似爲有宋運河故道乾隆九年領帑于河心開濬  
子渠三丈餘以瀉郡北陂水再考漢溝洫志元光五  
年河水泛溢上使汲黯疏決支河數道以分河水或  
亦舊引河故瀆黃河宋太平興國十年河決滎澤始  
也一名曲水云黃河南徙奪汴水之道以注於淮金  
冒明五年河決新鄉由太康經本府東南至潁州元  
末又自通許分一枝自本府商水入南頓混潁水東  
流於項城明洪武二十四年河決原武經汴城東南  
至於本府城西又東南經項城下入淮三十年冬十  
一月河南徙入本府永樂九年濬入故道正統十三  
年又決滎陽經本府至項城下入淮弘治間又北徙  
七里河自郡西北凌家廟西起上承諸陂微有水道  
隆慶戊辰僉憲傅霖以郡多水患遂疏河南  
流逕郡西南折而東注於蔡此柳社河在府西自西  
河去郡西與南皆七里因名柳社河華縣入府境  
木岡寺至栗七集西北有岔河溝一道入其中至練  
樹寺西北又有岔河溝一道入於中至白馬溝下入

沙河雍正五年  
乾隆九年濬  
清水河  
在府西北自太康縣陳家陂入府境蓋家廟經木岡寺有

岔河溝二道一由秦家湖一由曾村同會於本河溝  
丙至劉史花橋入柳社河雍正五年乾隆九年濬

又清水河溝  
在府西北自西華縣入本府王家  
坡下流入柳社河雍正五年濬  
百尺

溝  
在府城東本沙水也上承潞陂東南流注於潁水  
次有大堰卽古百尺堰又名百尺場亦名八丈溝

宋熙寧三年大理丞陳世修言陳州項城縣界有八  
丈溝綿亘三百五十餘里乞因故道濬治興復大江

次河射虎流龍百尺等陂塘灌溉數百里稻田王安  
石以蔡河今賴以通漕不能如鄧艾時并水東下功

未可就乃詔先行相度議遂阻元祐四年知陳州胡  
宗愈言陳州地勢卑下夏秋之間許蔡汝鄧及開封

諸河之水下注並由陳州沙河蔡河入潁河不能容受  
故境內瀦爲陂澤今沙河合潁之處有古八丈溝可

以開濬分決蔡河之水自爲一支由潁壽入濬則沙  
河不能壅遏矣詔可功旣成謂之新河政和初知陳

州龔端友又言陳地汗下久雨則積潦害稼比疏新  
河八百里而去淮尚遠水不能洩請益開二百里起

西華循宛邱入項城以達於淮使畝澮陂澤各有所歸自無傷稼之患矣從之按水經註沙水又東而

南屈逕陳城東謂之百尺溝又東南流注于潁謂之交口水次有大堰卽古百尺堰也今考郡北有枯灌

二河別無他水惟枯河東南流入潁卽今所謂大沙河或卽古之百尺堰也但水流廢與溝瀆變易無以

辨之陳佗溝在府北十里世傳陳公子佗所開五梁

溝省志謂在府西南十五里上承洧水東流入谷水而田中畝洫俱賴以泄按水經註洧水自長平

故城西又南分爲二水枝水東出謂之五梁溝今考長平故城在西華縣東北經云洧水出其西疑今之

賈魯河似卽洧水故道而柳社河疑是經註所謂廣五梁溝而未之詳但不得在府城西南十五里耳

漕渠省志謂在府南按水經註沙水自東華城西又南與廣漕渠合鄧艾所開也昔賈逵通運渠

二百里餘亦所謂賈侯渠也又東逕長平故城北又東南逕陳城北故陳國也城東北猶有義神實今郡

城在義陵南則渠當在郡北不翟王渠在府東唐趙至南出矣世遠莫詳存疑可耳翊爲忠武節



度使按鄧艾故蹟決北關湖在府北南壇湖在府東南柳

湖在府西北皆八字溝在府東南呂長溝在府東四狼兒

溝在府東自黃岡鋪西北于家窪孟家龐家橋坡溝

在府西自土中坡起由撥營又溝一道在府西自于

起至指揮營入曹家河至土中坡又溝一道在府西

家鋪東頭橋起至趙家橋黃河故道在府西北自太

家集至牛溝口入李溝河在府東北自太康縣入本

河雍正六年濬外河溝在府東北自太康縣入本境安溝

家溜河溝在府東北自安溝店起至楊坡溝自周家

窪起至濕柳鋪入又清水河溝在府南自商水縣入

蔡河雍正六年濬

項城境雍 又坡溝 在府南自草苗屯起至人和集  
正六年濬 下入項城縣境雍正六年濬 左

村坡溝 在府南自本村起出胡家橋 州南坡溝 在府南  
下入項城縣境雍正七年濬

項城縣地方花園寺入府境青興店 又坡溝 在府南  
至杜家口入項城縣境雍正七年濬

縣入府境何思店至洪七溝 又坡溝 在府南自思蔡  
入項城境沙河雍正七年濬 寨韓家新溝起

至項城境入沙 又坡溝 在府南自周蔡寨劉家溝起  
河雍正七年濬 下流入汾河雍正七年濬

明河 在府東自九里溝起至苑磨 艾家坡溝 在府東  
入鹿邑縣境雍正七年濬 自新堤

至孔村入鹿邑縣 境雍正七年濬

周穆王十三年徐子僭稱王遂溝陳蔡之間以舟行上

國是後陳公子佗開溝於城北以資灌溉 詳山川內

漢武帝元光五年河溢命主爵都尉汲黯大司農鄭當

時治之疏陳北水道

隋煬帝大業三年詔尚書左丞皇甫誼發河南男女百萬開汴水起滎澤入淮千餘里爲通濟渠

唐開元中黃門侍郎裴耀卿言江淮租船自長淮西北沂鴻溝轉相輸納於河陰凡三年運米七百萬石憲宗元和十一年十二月初置淮潁水運使楊子完米自淮陰入潁至項城入澗輸於郟城以饋討淮西諸軍省汴運七萬緡

周世宗顯德六年命馬軍都指揮使韓令坤自大梁城東導汴水入蔡水以通陳潁漕運

宋都大梁有四河以通漕運曰汴水曰黃河曰惠民河  
曰廣濟河惠民河粟四十萬石菽二十萬石由石塘  
惠民河而至京師者陳頴許蔡光壽六州皆有京朝  
臣督之建隆二年詔發畿甸陳許丁夫數萬浚蔡水  
南入頴大中祥符二年四月陳州言州地洿下苦積  
潦歲有水患請自許州長葛縣浚減水河及補棗村  
舊河以入蔡河從十月于減水河修雙門以減陳頴  
水患張孜爲陳州兵馬督監修堤袁家曲捍水陳以  
無患熙寧三年九月遣殿中丞陳世修經度陳頴八  
丈溝故迹八年六月疏汴水蔡河以通漕陳襄知陳

時開八字溝以洩水遂無泥行之阻元祐四年六月知陳州胡宗愈議古八丈溝可開浚分蔡河之水自爲一支由潁壽入淮詔羅某治之政和初霍端友知陳州以陳地汙下久雨則積潦比疏新河八百里而去淮尚遠水不時洩乃益開二百里徹于淮自是水患遂去

明洪武七年河決開封堤蔡河壅塞漕運不通叅政安然親督工疏導之不逾月工成州地卑頗有水患知州李子儀率民築堤以備其後河雖間溢竟不爲災永樂元年戶部尚書郁新奏言近因淮河至黃河淤

淺以致饋運不通請自淮安用輕舟運至沙河及陳州潁岐口仍以木舟載入黃河復陸運衛河以轉輸北京嘉靖四十五年州大水隆慶二年復大水兵憲傅霖以蔡河一瀆不足以洩水乃訪近城溝渠故迹悉疏通之又分命文武官築隄城堤及沙潁諸河堤萬歷二十一年又大水二十三年知州楊堪申准築堤堰通溝渠二十四年復大浚溝渠建橋閘三十二年知州康應乾疏通明化鋪火燒寨溝渠以洩盧家窪之水入黑河名康河至今成沃壤焉三十六年應乾復議濬蔡枯二河于八布袋口開支河直抵乾河

舖馬家橋又自東三空橋至董家橋旁開兩溝築堤以分水勢并入沙河因陞任至三十八年知州陳大期始成其工四十五年兵憲翟師雍修北門至東門內一帶溝渠甃以磚石架以木梁故城隅西北東北之水得有所歸時翟分捐俸二十金署州事判官柳文捐銀八兩吏目阮維源捐銀十兩而勸相勞來其功居多崇禎五年六月洪水泛漲自襄鄆至陳漂沒室廬沙河上下一帶積尸無數北抵州城西決苑家口患延沈頴三百餘里兵憲委百戶李恭全修堤堵塞者三七年又大水決其處民復受患

國朝順治九年兵憲孫公委州判俱爾健巡檢韓邦國督

夫築修始完其工十七年郭家埠口逼近沙河連年

河水泛漲決堤民居田禾盡爲湮沒知州王士麟率

學官高聯第督夫修築預防民患陳地汙下河渠最

多但淤塞既久每雨水連綿田禾滄沒歷年受害康

熙二十八年知州王清彥遵奉撫軍閻檄諭察田間

河渠故道及地勢窪下者勸居民竭力疏濬陳北蔡

灌等河東狼兒溝等河南白馬溝等河西土中坡搬

簪口等河暨環州七里河大者濶其崖畝小者開其

支流數月工竣次年七月大雨水潦暴泛諸河流通



水不爲害乾隆七年歸陳被水民多昏墊上厯

宸衷于八年春遣兵部侍郎紀山左都御史劉統勳馳驛

查撫詢及利弊知府崔應階條對四事首言疏濬河

渠事竣使臣入

告下大學士部臣議覆令會同江南督撫遴員查勘開通

蒙大中丞碩遴委分巡道金率同歸陳二府逐一履

勘估計視河渠大小分別動帑民力二項興修淮境

開濬灌河五千七百五十一丈面寬三丈餘底寬一

丈五尺深三四尺不等計費帑項二千餘金又動民

力開濬蔡河自大北關至沈邑李家埠口計長一萬

三千四百丈清流河自閻家橋至斗溝橋計長四百二十  
二百二十八丈柳社河自斗溝橋至白馬溝楊家橋  
計長九千九百二十七丈上下一律挑濬深通是役  
于九年二月興工五月報竣董其事者前知縣許珮  
璜分修則經歷司傅懿麟典史吳思德也

附會勘廻龍寺渦河古堤詳案

乾隆四年

陳州府金查得渦河之水由太康西北折入東南至  
馬廠集東胡家橋下入淮寧鹿邑直達亳州以入淮  
河現今河身寬濶深通足資宣洩因乾隆四年六月  
間天雨連綿河水漲發太邑馬廠居民見河水驟發

恐其宣洩不及淹及莊田隨於六月十九日於胡家橋側將古堤決挖一口而渦水遂由決口而出泛濫橫流將淮邑之大梁店等處田禾淹沒嗣因淮邑武生程珮等具稟經卑府親至扒堤處所逐一查勘寔係古堤並無河形檄示淮太居民將古堤決口協力堵築並委太邑典史督催夫役完工在案今蒙 憲臺據太康進士王謙等並淮寧武生程珮等先後具呈均批卑府查報等因除王謙等所謂開挖清水河之處已於遵

責公案疏古河等事案內委淮太二縣會勘議詳經卑府

覆議詳報 憲臺在案程珮所呈扒挖古堤並舉府親驗飭委堵築緣由擬合申詳

查得太康縣進士王謙等呈請挖清水河分洩渦河之水一案前蒙 憲臺檄令遴員前往秉公確勘妥議詳報等因當經委淮太二縣會同確勘議詳去後茲據該縣等詳稱太邑境內有渦河一道自縣西北折入東南發源陳留通許至大邑馬廠集東胡家橋地方下入淮鹿直達江南之亳蒙等處歸于淮河其河現在寬深足資宣洩至王謙等所稱胡家橋側向有分支名清水河者現在河口築有堤岸地勢平衍

並無河形自堤內至清水河橋地勢高窪不一由此而南地勢愈遠愈窪有似河形現今布種二麥淮邑居民稱係窪地是爲世業太邑士民指爲清水古河查閱太邑縣志止載渦河源委並無清水一河其是千古河無憑稽考卽或寔有古河淮民築堤百十餘年今欲毀堤開挖不特工大費繁難以舉行卽淮鹿二縣百姓其間田園廬舍不知凡幾遷移更易事多滋擾斷屬難行惟是渦河之內附近居民現有栽種葦草以致夏間水漲不能暢流應請加工挑挖不許栽種葦草使水無阻滯暢流入亳倘遇水發不致漫

溢爲災矣等情會詳前來卑府覆查渦水一道既於  
太康縣馬廠集東胡家灣地方入淮寧鹿邑直達江  
南毫蒙等處歸於淮河現今河身寬深足資宣洩是  
可毋庸另開支河以滋紛擾况淮寧地勢窪下若開  
堤引水勢必建瓴而下泛濫橫流之害不止於淮寧  
爲然也是前人建堤之舉必非無因今王謙不識時  
勢妄議開挖不特工大費繁未易舉行是直欲以隣  
爲壑也但渦河附近居民栽種葦草使水有阻滯不  
能暢流深足爲慮如該縣等嚴行禁止不許栽種葦  
草並飭加王挑挖深通使水無阻滯暢流入毫自無

漫溢之患是否允協擬合詳請 憲臺會轉嗣蒙

巡撫部院雅批清水河既無可考且與鄰邑有害如

詳禁止開挖仍飭將渦河下流不許栽葦疏濬深通

具報

左村坡趙黃溝碑記

崔應階

郡南四十五里淮項接境有地曰左村坡勢居窪下

每苦積潦坡東南濱臨沙河跨堤有橋一上下蹇以

石名黃家橋橋外數十武始達河流有溝一上接橋

孔相傳曰趙黃溝始建不知所自蓋亦前人為洩水

水設也歷年久遠溝以淤塞項人張丕緒者恐堤溥

不足以禦泛濫請於縣加築土堤橋土橋亦從此湮  
沒乾隆四年夏秋苦雨左村坡等十九村莊盡成巨  
浸項邑錢令過此憫其昏墊積父老謀䟽洩計此溝  
始復一開於時值秋汎坡水未洩而河流復漲村民  
不知捍禦悉皆引去幾有潰堤之勢賴下游居民捨  
築始無他虞自此不復議開乾隆六年余來守宛秋  
又苦潦淮民楊世俊項民童希聖等復議開此溝而  
項人張丕緒等堅執不可遂具牒訴府訴道轉飭淮  
項二令會勘因有前車之鑒亦以不開上請噫河堤  
固屬要防而沈釜可不計慮乎余因親往勘視遂命



鑿堤露橋甚堅而溝去河亦遠若令啟閉以時固無礙也乃請于道期過秋汛委員開放水涸卽築實以堅河防約四十日地乃涸出農功無悞本年夏秋兩汛竟于河堤弗害故知前此之踈虞良由啟閉失時若竟歸咎此溝何異刻舟膠柱自今以往雨暘時若設有不齊當請命于官以時啟閉切勿專擅資人口實庶金堤永固而積潦可除茲重爾士民請爰敘數語以勒瑣珉云

### 太康縣

泰山

縣東北前代建泰山行祠因名

長白山

治東北邑人建土地神祠

石山

北二十里

大吉岡

北四十里

小吉岡

北四里

九岡

東四十里

東迷岡

北

里西迷岡

北四十里

黃岡

西南十八里次公別墅故名

白羊岡

西北十五里

丁辛岡

西北十五里

黃巢岡

西北四十里臺墓未詳

北岡

北十五里商岡

東北四十里

扈岡

西二十里

桂岡

西二十里

陵岡

西南十五里

岡

東三十里

栗岡

東二十里

張奢岡

東二十里

留耶岡

岡

西北十五里

張洋岡

西北三十里

許城岡

東三十里

葛岡

岡

西北三十里

侯陵岡

西三十里

華陽岡

東四十里

斧頭岡

岡

西北二十里

狗冢岡

西二十里

河渠

渦河

在縣北五里其上源自通許境北東南經柘城鹿邑出境東入

接蔡水流經縣江南亳州下流

入淮 按水經註陰溝始亂蕩蕩終出焉 馮水受沙于扶溝縣逕大扶城

夏縣西即今太康治也蓋亦蕩蕩渠之別枝郭景純所謂大水溢出別為小水也今故瀆湮廢不復受沙

于扶 坡河 在縣北四十五里上接杞縣鐵裏河自大馬廠集東劉家溝矣

橋止長八十一里寬八尺一丈不等 舊黃河 在縣北深二三尺引水入渦河雍正五年濬橋止長九十里

里上自高賢集地方交界起至劉家河形之內旱則耕種澇則洩水流入

五年 燕城河 在縣西北七十里上自濬界起下至樊營口河長四十里寬一丈

二三尺深二三尺不等又自樊營口至丁家橋東長六十里寬二丈八尺至三丈不等

入渦河雍 李波河 在縣東南二十里自本境徐家等正五年濬 起至張家橋止長五十里寬一

丈一二尺深三四尺不等流 李貫河 在縣南二十五入淮甯地方雍正五年濬

窪起由老冢集東至岳家橋東止長五十二里寬柳一丈四尺深三四尺流入淮甯地方雍正五年濬

社河 在縣西南三十里自本境李家窪起至馬家莊

西華縣地方 在縣西北七十里自扶溝縣地

雍正五年濬清水河 方交界起至丁家集西南止長

六十里寬二丈四五尺深三四尺 七里橋河 在縣東

不等流入淮寧地方 雍正五年濬 蓮花池 在縣

王家老墳窪起至馬厥集 高明溝 在縣

計長二十八里下入渦河 五子潭 在縣

黃米口 在縣 白波窪 在縣西南三十里周圍數百

康熙二十年居民欲濬大河然北距縣河既遠南至

陳州黑河界亦二十餘里難以開通 害固不免也

廟岡窪 在縣 江陵窪 在縣 內岡窪 在縣 大魚窪 在縣

侯陵窪 在縣 芝蔴窪 在縣 大倉窪 在縣 磚籠窪 在縣

雅巢窪 在縣 魚梁窪 在縣 桂岡窪 在縣 韓家窪 在縣

師家窪在縣東以上皆受水之區也大者數百頃小者數十頃其水經年不涸萬歷間縣令雷沛

開濬溝渠令與河通民乃無患

太康河渠皆黃流故道河南徙邑境實受其衝遠自祥符赤倉鎮分派由小城岡長治岡歐陽集至高賢集分三流而下其一由縣西北萬家橋至縣北關繞東關環靈光塔東其一由縣正西官橋經西關南關環靈光塔前合而東流一由縣正南八里宋家橋至縣東南二十五里馬廠集三流復匯又東會渦水注亳州入淮泗遇河冰漲發舟可逆流而上至城下相傳爲古黃河又傳爲宋時運河皆不可考然古堤猶

有存者

扶溝縣

境內茂患水賴羣岡盤蘊存禾黍于百一是民命所關也

縣治長岡

西自嵩少之麓山鄂陵蜿蜒而來至縣治轉折南去遂城于其上北門東門猶在肘

外故歲有河患南盡境土漸為平地但濶僅有百餘步人或指為消水堤詳辯文翠屏山在

學前與襄武岡北三里有三里城相連襄武岡北三里有三里城兒岡北十里

稱固王朱村岡北二十里白沙岡東北二十里傍城未詳張岡北二十里有三里有大湖緒水陳

馬岡北二十五里有東西張岡北二十三里有孫岳中凡三上有吳公廟東西中凡三

岡北三十里上村岡東北二十五里會岡東北三十里岡北三十里上村岡東北二十五里會岡東北三十里岡

馮陵岡東北三十里集季岡東北四十五里大岡馮陵岡東北三十里集季岡東北四十五里大岡

東北五張塢岡東北六栢子岡東二十里即大周塢十里張塢岡東北六栢子岡東二十里即大周塢

岡北五十里楊村岡東二十里寺岡一在東二十三里可

岡東二十五里廟陵岡東二十七里上強陵岡東十五里

殯王岡東南三十里潘岡南二十里道清岡東南十五里鳳

陽岡城東南二里羅城岡城南三里老林岡西南五里譌許岡

七里屈岡西南十五里昔有古寺燬于兵趙岡西南三十里

里岐岡西南二里小陸岡西南二里大陸岡西南二里秦陵

岡西南三里艾岡西南二里長陵岡西南三里鴨岡西南三里

旁有鴨瓦岡西南三里海家岡西南三里起岡西南四里立

岡西南四里天井岡西二十里廟頭岡西北十二里曹

李岡西北二十五里永昌岡西北三里雕陵岡西北二十里

公廟留漢岡

西北二十五里

三晉岡

西北三十五里三岡並峙形勢相街通志云春秋三

晉大夫帥師

韓寺岡

西北四十五里

侯謝岡

西北三十里

秦

家岡

西北四十里峙扶境與鄆爲鄰岡西三坡相聯鄆扶雜處其中上按三十六坡中有小岡爲障

萬歷七年鄆陵陳尹欲建奇功將小岡鑿斷引三

六坡之水總匯於三坡其初意欲鑿秦家岡而忌在

扶境故導此鯨波厚集境上駭踏勘之目行嫁福之

媒耳扶處其下平野紆紆更無寸障若此岡一開城

社民廛盡爲衝决士民空國赴訴上臺親臨踏勘審

地勢高下苗害重輕極知必不可開申准立碑爲禁

鄆人又私鑿盤龍河三道引水于此岡之南漫衍而

東孟亭等處歲歲淪没若坡水泛漲聽其分流天然

之岡不加穿鑿何至紛

紛爭執以失鄰好也

### 河渠

賈魯河

卽汴水枝流一曰小黃河自白家潭入境由縣北董家橋東至呂家潭入蔡河故道直達



西華其後蔡河湮淤泛溢為患成化中知縣李增自  
呂家潭南地名張單口另疏新河迤運西南至縣東  
五里許復東南至張會橋與雙泊合流出境江南商  
貨皆由此通汴每歲荒江淮之粟藉以轉輸百姓賴  
之但河流淺狹易至潰溢昔賴蔡河分洩近為  
西華堵塞議者大濬此河深廣倍昔庶免昏墊雙泊  
河即溱洧合流也按水經洧水出河南密縣西南馬  
領山註云亦言出潁川陽城山溱水出鄭縣西北  
平地註云出鄆縣北雞絡塢下洧水由密縣南又東  
逕新鄭縣南與潯水合詩作溱水又東南過長葛縣  
北世謂雙洧河又東逕洧川縣南又東逕鄆陵縣北  
又東至扶溝縣西北丁家橋入境逕縣北東南流至  
張會橋入賈魯河縣志謂嘉靖初鄆扶之民詣闕陳  
請奉部劄疏河由縣城東北一里許轉折南下至王  
額店出境逕紅花集黃土橋會渚河南入沙河十三  
年復淤自縣北反流潰溢如故嘉靖四十年知縣林  
朝卿議開疏憚功難就取捷徑東入賈魯河賈魯  
狹不任眾水之匯賴蔡河分洩為西華堵塞萬歷三  
十三年知縣全良範疏雙泊故道以分水勢至境有  
上為華人所阻復東引入賈魯河僅收一隅之利有

水故道

按水經註洧水自鄆陵東逕桐邱南俗謂之天井陵在今縣治西二十里又東逕新波縣

故城北在今縣治西南又東洧水右迤爲護陂今縣治西南二十里有護陂陂在二浪溝下又逕巨城南扶溝之匡亭也今莫詳其處又東洧水左迤爲鴨子陂謂之大穴口洧水自穴口東南逕洧陽城西在今縣治南練寺保又東爲鴨子陂陂廣一十五里在縣治南三十五里今廢又南逕長平故城西在今西華縣東北十八里洧水又南分爲二水枝水東出謂之五梁溝今其地有柳社河疑是五梁故溝又逕習陽城北在今西華縣西南十里又東逕長平城南東注洧陂洧水南出謂之雞籠水又東逕習陽城西西南折入潁考水經洧水故道參以今之輿地似由扶溝縣西東南流逕西華縣西南入潁但今兩邑西境別無他水惟大浪溝逕新及故城北東南流逕練寺西又東南過西華縣西入史家湖逕縣西南入清流河且大浪溝史家湖一帶每至夏秋霖雨卽滙爲巨浸疑是經所謂護陂鴨子二陂也昔爲鍾水之區今皆桑麻之壤矣縣志謂大浪溝爲洧水故道頗與經合余故詳註以備考訂至有明嘉靖時所濬縣東之河

仍非故道也。蔡河按河南通志及開封郡志所載兼閔洧

濟水門出流逕通許以南接舊蔡河謂之東蔡即惠

民河洧水自許田鄆陵至扶溝合于蔡建隆三年詔發

大隗山注臨穎歷鄆陵扶溝合于蔡建隆三年詔發

畿甸丁夫數萬濬蔡河南入潁川再考水經沙水南

經扶溝故城東南逕大扶城渦水于是分焉蓋沙蔡

本一水黃河南徙橫流奔決始亂其故道其遺跡猶

存不可湮滅者張道口迤南是已余按水經註沙

水南逕扶溝縣故城東縣即潁川之穀平鄉也在今

縣治東北五十里又東南逕大扶城西城即扶鄉故

城西未詳其地又南與廣漕渠合又東逕長平故城

北又東南逕陳城北又東而南屈逕陳城東謂之百

尺溝此古蔡水由扶歷華至郡北而東南注潁之故

道也至有未惠民河所謂東蔡河者乃自汴京由通

許尉氏扶溝太康逕郡北而過鹿邑境人頽蓋與古

蔡水同源異流今自扶溝而下太溝河源出洧川

康以上兩瀆俱湮莫可考辨矣

流逕尉氏至白家潭入賈魯河合流處濶不過尋丈南岸當羅王家坡地勢窪下潰決甚易不高築堤斷

歲加防守則也北七里河自洧川南席陂逕鄆陵入之患無虛日也

陵志指爲雙洎交流至縣北更連太溝濫水漫爲陂一望無際歲歲爲蓄且無歸洩之處鄉人名爲死河

黃河故道在縣東北五十里崔橋之西先是河出於南橫流漫衍境內半爲魚鄉弘治二年河

復北徙遂爲鵜田初于忠肅巡撫河南時奏河徙無常其地永不取課後有投獻藩府遂稱王莊異日河

復南徙徵按水經註渦水受沙于扶溝縣租無已矣渦河故道逕大扶城西城之東北悉諸袁

舊墓碑字傾低羊虎碎折唯司徒滂蜀郡太守騰博平令光碑字所存唯此自餘迨不可尋今縣東栢子

岡卽其故地猶多古冢但已片石不存津流湮廢滄桑變易良可慨也縣志謂縣治內龍泉觀東亦渦水

故道元進士潘英益城隍廟碑稱廟大浪溝一名大在渦河東岸或亦渦水之支流與

縣西南屈岡之東考水經洧水舊逕桐邱二浪溝一南此或其故道今淺狹如線特存遺跡耳

小水溝在縣西三十五里屈岡之西下達護陵陂與大浪溝合宋程明道為扶令開二溝以洩西南積水

入西華之史家廟頭村溝在縣西北白本村起至縣湖民受其利北關外龍橋止長三千四

百八十三丈寬一丈深八尺雍正五年濬二河在縣東北三里許自雙泊

賈魯河止計長七千二百丈寬二丈深五尺乾隆十一年于憲憲查案飭循舊制事案內經開陳二府詳

委開封水利同知本府水利通判會勘黃土黃甫二岡議于鄆境開濬雙泊故道以洩黃土岡之坡水開

濬扶邑二河以分雙泊河之水奉院批允于十二年疏濬會岡湖東北三十里舊通漕故名白

沙湖東北二十五里馬師陂東北四十里劉家窪東六里歲里入賈魯河受賈魯河

水患蔣家窪北三里在七王村坡北四三里池元時養魚供祭

今淤馬家湖一名曹臺坡曹李陂西北二里聶家陂西北

十七里楊家陂西北十五里李家陂西北二里羅王陂西北四里

有羅蓮花池西北計五里白馬溝西十五里長岡中斷嶺屹然昔有見白馬食

民田逐之不去人異之爲立廟翟家湖西南十里邢家坡西南十里秦家

陂西南二里護陵坡西南二里鴨岡坡卽鴨子陂南彭頭

坡東南三十里金家陂東南三十五里馬村陂南十里強陵陂

東南十七里

扶溝之患水也無寧歲顧水患一而鄰人壅激之患

百四而交攻極知其不能支已然岡阜有定形河流

有故道其設自天安其故常可矣何待穿鑿也西北

本高其水自來不聽其自來而謂岡亦可鑿東南本

下其水自去不聽其自去而謂河亦可塞一塞一鑿

而來者不去是以扶爲沼乎禹之行水行其所無事也行所無事則亦何爭之有

附水利詳案

鴨岡口

康熙二十五年秦廷獻等及鄆民施德才等盜鑿碑禁之鴨岡口武生高溥力爭之蒙上

憲斷明扶不許塞鄆不許鑿康熙五十五年秦廷獻之胞弟秦顯祖又與鄆民盜鑿鴨岡口副榜杜宗甫同闖縣士民控之布政司牟批秦顯祖等私挖新河貽害百姓復敢抗斷捏詞刁控玩法極矣本應詳革擬以重罪姑念事在赦前且開河已填堵完工舊渠已經疏濬如詳從寬免究銷案仍飭該縣在鴨岡口勒石永禁以除民害知縣姜遵照立碑于鴨岡口迤南之韓家莊以垂永禁

黃甫岡

縣西三十里高二丈有奇闊六十餘丈綿亘六里餘乃天然岡埠也屢被鄆民盜鑿以洩

坡水爲扶邑十二地方之害抑且殃及西華歷奉查禁乾隆元年鄆民復來盜岡放水經開陳二府會勘

定議黃南岡迤西雙洎河南岸舊有放水開口計工  
動帑估値修築鄢陵之水可以洩瀉入河而黃甫一  
岡從古未開議定郭盧陶張四處車道自平地量起  
留高六尺寬一丈二尺水小不致過岡扶民可以無  
患水大聽其自流稍分鄢水之勢扶人不得增高鄢  
人不得私扒詳明立案乾隆七年鄢人復敢恃衆強  
開洩水東下浸沒我田廬士民等赴控管河道金批  
令扶鄢二縣會勘委典史遵依原定丈尺填補岡口  
又各設巡岡保正二名  
以司稽查乃定案云

半截河

在扶邑西北五十餘里與尉氏接壤亦謂古

賈魯河東地勢北高南窪河堤衝決水卽順堤南下  
尉處北扶處南尉民固不受害而扶邑十數地方盡  
被淹沒長堤六里在扶者四里餘在尉者里許河水  
漲發東堤一潰水勢東趨河西地畝卽安然無恙雖  
河東亦少有淹沒而所失者少所得者多故往往不  
修河東堤岸屢致衝決盡注扶境雍正八年雨水過  
多半截河水漫溢淹沒扶溝十一地方郝作霖等以  
遵例帮修保固河堤等詞具稟徐令轉詳開封府蒙



批據詳半截河之東有黃家岡六里長堤雖在尉境寔爲扶邑田廬而設修築夫工扶民旣任勞無辭新令抵任仰卽督率及時興修完固毋得遲悞并移知尉氏飭令該縣居民不得阻撓而尉邑白欽若等旣不寔力修築又忌扶民協修假捏情願自修臨河堤岸之語巧于阻撓故郝作霖等又以亟飭地主保固河防具稟本縣詳府蒙批移關尉令各委典史督率務使兩邑百姓各修各境挑濬深通築高堤岸永遠有益戒勿多事致啟釁端并取各地主保固堤工不時疏濬毋致淤墊甘結奈白欽若等虛應故事仍不堅築高厚倘遇霪雨泛漲恐難免無虞也

張單口說

扶溝  
令 屠又良

按張單口本蔡河故道也其源有大溝河小黃河雙洎河白沙河自鄭州京水河逕朱仙鎮至扶溝之昌家潭入蔡河達西華境二十餘里流入沙河蓋扶邑

勢處窪下衆水所滙而俱洩于此其地形高下瞭然  
指掌宜疏而不宜塞斷斷無疑矣疏則俱利而可久  
塞則苟且目前而俱害又斷斷無疑矣余閱邑乘所  
載水患不一而足西華隣扶而處其下流于是議塞  
張單口以爲自全之計紛紛爭聚訟迄無已時康熙十  
五年華人復訟之上臺因藉口於莫可考據之碑辭  
志在必塞勢若仇讐於是大中丞佟公命郡伯張公  
親往履勘張公旣以原有小黃河及惠民河以洩水  
勢情形申覆而復命余細勘余輒詣河干召里中父  
老訊蔡河故道自張單口至李家莊兩岸俱有堤河

深丈餘及陳家店張家莊羅敷廟蔡河橋栢子岡皆然自栢子岡至賈家莊南河深七尺又南至丁岡橋止深三尺餘自此至西華界二十里淤塞成平壤矣然地形微凹其故道隱然猶存此非宜䟽不宜塞者乎華人則曰我朝頻年河決費金錢何翅百萬祇聞塞之不聞䟽之也噫此又不達之甚矣夫治河而塞之者以其橫流旁溢不循正道故遏其衝潰而使之中行此宜塞而塞塞卽爲䟽非謂堰闕上游禁其由高就下之勢使不得去也若以華人塞張單口之意推之治河是將湮底柱壅龍門而令不得入

海邪不待智者而知其必不然矣自余計之張單口  
至華界五十餘里所當大加疏濬者十二里其餘稍  
施畚鍤足矣若自華界思犢岡至華城北入惠民河  
不過十八里再達周家口直入沙河爲力尤易扶人  
皆願竭力爲之使華人同心亦疏其境內之道是各  
任其勞而實共享其利不愈於興無益之役構無己  
之爭者乎余故按之地勢合之民情請諸上臺上臺  
亦深以爲然顧念東北用兵百姓方困於饑餽時詘  
舉羸有所不忍故且權宜止息今禍亂漸平閭里得  
稍息肩休養數年民氣當足欲爲兩邑規百世之利

舍此無由則與西華同請上臺報可而行一勞永逸  
此在後之吏茲土者也抑余又有說焉考志中東北  
有白沙湖西北有馬家湖西南有翟家湖今皆不可  
得其處詢之士人皆曰不知大約歲久漸堙變爲田  
矣不知古人體國經野其因勢利導俱有良法深意  
存焉不然蕞爾扶邑既有諸河又有諸湖何邪余待  
罪六年兩罹沈菑而今年尤甚昨出城看水自北石  
橋抵呂家潭袤延二十里間村舍如鳧舟行黍稷極  
目無際內痛于心使蔡河旣通三湖如故寧復苦此  
邪嗟乎居今復古不笑爲迂濶則罪以喜功然而利

害歷然凍思春煦賜念茂陰不能不撫卷竊嘆也邑  
有君子爲桑梓計其又何以教我乎

### 西華縣

宜山

在渚河北岸距縣十八里戰國時爲大梁邑名以其城在山之南也

山子頭

在縣東北

三里

高十二丈有奇俯瞰城中如盤上多桃樹仲春之際爛若紅霞八九月時蕭然彌望惟聞山下砧聲

與寒

犬相應而已所謂思都岡縣北二十里按河南

秋冬

之際倍難爲懷通志云女媧氏遺民

思故

都因以思都爲名譌廟陵岡縣西四十里世傳

沿時

苗留犢處亟改正爲楚靈王章華臺

今業

村岡縣西三里杜岡縣西北七里陵頭岡縣西十五里潘岡縣西

南二

十五里宋潘太師冢在焉弘石羊岡縣西南八里道

治間

居民發冢得古劍金紐圖書

陵岡

縣北三十里爲扶溝沐祿岡縣西三十里艾岡縣西四十

喜岡縣南三十里白蛇岡縣南三十里

河渠

小黃河

即賈魯河自郭家橋入縣境至龍池頭南折東逕羅家口北折環縣西北門東逕西華橋

復折

而東南至周家口入沙河河上受鄭尉水中受

雙泊

河北受李家溝馮家溝官清溝朱家溝四水以

一河

而受衆水又城東西華橋一束不得暢流南下

盈溢

之患勢所難免是隄防固所亟而疏洩之道亦

不可

不柳社河今湮舊志云在縣北六里今考河在

亟講

也縣東北十八里雖湮廢故河跡尚可

按但

創始無考似亦前人開之以瀉東北二即套高

家坡

併入清水河之水患者按縣東北十八里有

長平

故城水經云洧水逕長平故城西又南清流河

分爲

二水枝水東出謂之五梁溝疑此近是舊名清泥河在城北二十里知縣歸鴻力爲疏濬即

舊名

清泥河在城北二十里知縣歸鴻力爲疏濬即

溝水咸入焉由史家湖東南至趙牛家口以注於賈

曾河上下計七十里河面濶七丈底濶五丈深一丈

五月復開子河濶二丈底微凹以泉見爲率計需夫若千名每名給穀三石悉歸鴻捐備康熙五十年二

月興工四月告竣民至今利鵜歌誦弗替鄂陵西華紳士或勒石頌德督工吏王均遜亦幹練與有勞績

焉三國志魏書鄧艾屯田淮右請開廣漕渠以通漕

運水經註云沙水又東南逕長平城西沙音蔡卽朱

之蔡河又云枝瀆西南達洧謂之甲庚溝卽今蔡河

口是也又南與廣漕渠合上承隴官陂云鄧艾所開

據此清流河卽渚河卽潁水源出登封潁谷由禹許

廣漕渠故道也渚河歷臨潁入縣界一枝來自鄆陵

俗名流潁河由祁家堂入縣境而五里溝鷄爪溝之

水入焉歷北倉頭至合河口入渚一枝自姚家橋入

縣境至古廂有土蘆河自鄆城來入歷小陶棗祇橋

至李家橋入沙河水經云又東過西華縣北註云王

莽更名曰華望縣有東故言西也註又言縣北有習

陽城潁水逕其南經所謂洧水流注之者也以此考

之舊治當在習陽南今之西華非漢舊矣舊縣志云

渚河身隘隘僅容一舟夏秋奔溢居民苦之誠然但

所云濁流所過遂成沃野利害相當語殊謬誤蓋河

流淤濁易致淺決近河里許或有微淤過此則水悉



澄澈何利之有大抵宜於農隙水涸隄岸防固之時  
更加疏濬俾得暢流庶免决溢似補偏救弊之一術

也沙河源出魯山縣吳天嶺自鄆城縣至縣西南陳

境按沙水上受汝養之水下受澧潁等水每遇夏秋

霖雨山水暴下奔騰泛溢勢若山傾然河流直達淮

濱易漲易消苟峻其隄防保障堅固勢雖疆枯河在

而易殺蓋下流有可洩泄其溜可計日待也

河南界發源歇馬店東行入商水縣界郭家溝英

家溝自北入何家溝自西入郭家溝自西南入汾

河在枯河南界自鄆城至李魁莊入西華縣界擺麻

溝自南入馬鳳溝自北入又溝自磚橋歷葛湖橋

入清泥溝自孝武營至葛湖橋合又溝入汾河姚劉

溝自商水來入之一枝西自召陵城來合栢家溝下

入汾河白馬溝自北入此下屬商水境皆所以襄祇

防坡水之患者唯慮歲久湮淤在因時疏濬耳

河在縣西南十八里一名棗祇口三北新河在縣東

國時棗祇鑿川灌田歲獲數萬斛

黑龍潭在縣西南清水鄉史家湖在縣西南長平鄉

沙河中水深莫測地勢滂下每水潦

諸坡之水  
皆歸焉  
黃巢澗  
在縣南里許相傳黃巢屯兵於  
此又名黃草澗以澗生黃草云

門陂  
在縣西唐神龍中邑令張餘慶因廢陂修治  
之引潁水以溉田以其爲鄧艾故址故名

家窪溝  
縣北二十五里自本窪起入官清溝同歸小  
黃河長二里寬七尺深五尺雍正七年濬

二浪溝  
縣西北二十三里自扶溝入本境潘岡村起  
至清流河長八里寬九尺深五尺雍正七年

濬  
縣西南七十五里自葛胡家橋起至葛胡坡  
引水入汾河長五里寬六尺深五尺雍正七

年  
濬  
韓家溝  
縣西南八十五里自韓莊起至汾河  
長五里寬六尺深五尺雍正七年濬栢家

溝  
縣西南七十里自栢家莊起至鴨溝入汾  
河長五里寬七尺深五尺雍正七年濬

縣西南八十里自劉家莊起至汾河  
長十里寬八尺深五尺雍正八年濬  
何家溝  
縣西南

自何白家莊起至鴨溝入汾河長  
七里寬七尺深六尺雍正八年濬  
英家溝  
縣南長五

郭家溝  
長五里  
又郭家溝  
長五里  
白馬溝  
長六  
馬鳳

溝長六擺麻溝長三清泥溝長八里俱姚劉溝長十五里

入商官清溝縣北三十五里自扶溝張單口入本境

木境黃岡村起長三十里寬三丈深六尺以洩滾水石壩漫溢之水仍歸賈魯河雍正十二年濬鹽塲溝在縣西北自二郎

家眾坡水入淮寧境清水河長六高郭溝在縣西北里寬八尺深五尺雍正八年濬自秦家橋

起洩高家眾坡之水入淮寧境清水河長五里寬八尺深四尺雍正八年濬朱家溝縣東北

馬家溝長四李家溝長三賈家溝長三里俱白湯溝

縣西北長六里鯉魚溝長七里此二溝自鄆五里溝在縣西

穎雞爪溝發源由臨潁天河腦青龍勝溝縣西南四

河至本境下入流潁河崩成溝因名于王村古堤在縣西南六十五里有

蘆河水歲久漸圯河水時溢居民患之康熙二十八年因舊基而增之又南北新修大堤三百餘丈一方

頰以  
為安  
小紅古堤  
在縣城外正西離縣十八里  
康熙二十九年六月重修

### 附張單口建滾水石壩詳案

雍正十二年四月內蒙管河道准布政司照會奉總督河東部院王批本司道會查扶溝縣紳士盧宸等稟張單口停修石閘一案據開封府陳州會詳查勘扶境之張單口地勢低窪受祥符中牟尉氏洧川鄆陵諸縣之水順流灌注全賴張單一口疏洩固不可堵塞以過其流但西華在扶東南地勢更低張單口之水由太康軒家橋直注西華水勢奔赴河身淤淺以致狂瀾泛溢淹沒田禾為害非淺此華民所以于張單口堵築爭控不已自明季迄今結訟百有餘年終無定議雍正九年間前河道劉有建設石閘之議但石閘一建則河水倒灌扶邑盡成澤國受害無窮扶民所以紛紛上控也卑府等再四籌畫建閘不如建壩查張單口河身高八尺有餘今議建滾水石壩四尺止及河身之半即使水發一時仍可於壩上暢流在扶邑既無奔潰之虞而西邑得其阻抑亦可緩其水勢一面仍令西民將下流淤塞之處一律挑挖

深通歸入賈魯河內徑行不滯亦不致泛溢爲害兩邑士民俱各歡欣允服至建設石壩工料西邑士民情願獨捐現在購買齊全候示興工庶百餘年之結訟從此永息而兩邑均無沖決之患矣奉院批允知縣劉焜卽赴張單口督工建築一面將下流官溝疏濬一律深通堅固完竣勒石定案

張單口說

楊安辯

西華人

予讀宋河渠志見其所論畿南之水爲甚悉大抵豫地西北諸水皆以蔡河爲歸而其要則以通下流使水有所歸宿而時其疏濬以利導之不禁憬然有得而識其所以治張單口之術矣如所言惠民河今則如故也所言洧水自許田鄆陵歷扶溝合于蔡則止入惠民而不合蔡矣蔡河久湮沒不知廢自何時然

以形勢攻之自通許以下當經華東北界以達陳潁  
今之張單口疑卽古洧水貫惠民以合蔡河之故道  
也惟是文獻失據故老無聞卽有一二形跡可彷彿  
尋繹於荒邨斷壟之間然又皆鼎革滄桑傳聞異詞  
誰復有好事如道元起而識之者按豫州形勢大抵  
西北多山而地昂東南漸漫衍多平陂以水就下之  
性而當傾仄之形遇有遏抑未有不壅激決溢爲害  
者故古人有見於此慮惠民一河不足以洩西北衆  
水故別開蔡河引閔渙溱洧悉匯於此而洩之可謂  
至周且盡矣然猶不免大中祥符二年陳州之請言

州地洿下苦積潦歲有水患請自許州長葛縣浚減  
水河及補棗村舊河以入蔡河以息水患是息水患  
著固莫蔡河若也今蔡河旣湮廢水無所歸泛濫爲  
災固其所耳漢賈讓有言善爲川者決之使道今不  
思所以致患之由與所以道之之術而僅恃隄防以  
暫救猶剜肉以醫瘡瘡豈不遽愈而痛猶在躬也古  
人已行而效之迹昭然可攷迺百年以來賢士大夫  
曾無一議及此者何也蓋亦利安於眉睫治急於其  
標而憚於煩費之府怨此其所以治之之難也不知  
下流一日不通則上流之水患一日不能息增卑培

薄勞費無已盜決竊防鬪訟不休上多訟獄之擾下  
無耕鑿之樂灑沈滯災固如是乎從來成大功者不  
恤小怨况草野固陋偏私可與樂成而難與慮始誠  
有痼瘵爲懷飢溺是亟洞見事理之必當如是者毅  
然爲請於朝軌宋蔡河復其故跡引西北諸水貫惠  
民以合於蔡歷陳穎達壽春以通淮右下流旣導河  
定民安一勞永逸此萬世之利也而民寧有不子來  
恐後者乎且分疆畫理事散役輕卽以其邑之所屬  
河道計其道里之遠近均其力役預約程期俟農隙  
同日併力而亟爲之竊擬其功遠則期年近則旬月



可以告竣是於國家毫末無損而閭閻實獲永慶之  
福矣因不揣羈賤著爲此說幸當世之大人先生有

以教之

### 商水縣

沙河

卽潁水在縣北十八里自縣治西北西華界龍  
勝溝入境至縣東北周家口交淮寧界約長五

十里近河地在九里十三步內者按地出夫編成十  
號每號管堤五里許共派夫九十六名號立老人小

甲各一人董率號夫時時吳公堤在周家口河南岸  
培薄增卑俾無衝決之患

削不堪雍正元年黃水泛漲由汴而下堤正當兵衝  
兼風雨驟至幾潰者數四邑令吳耀冒雨督修無間

晝夜堤賴以全邑人感德小黃河又名貫魯河自縣  
名之曰吳公堤勒石以志

河考河魏武帝運糧故道由魯而下至穀河一名  
縣治北二十里孫家嘴入沙河枯河

縣治西北自西華舒家橋入  
商下至老澗難與汾河合  
汾河受西華圍城諸坡

橋入境經縣南至卓南馬家河入淮甯堤下入沙河

淤塞日久不辨河形每遇霖潦遍地行舟蒲葦芟茨

汪洋無涯儼若江湖兩岸居民惟恃魚葦爲生計慶

熙五十一年邑令修秩辰奮除積弊力加疏濬水涉

既洩雨泄之地悉成稼穡雍正二年邑令吳耀重

疏仍舊置號夫不時帮修堤岸至今民享其利護

城河自縣治西北蜿蜒至縣東南三面繞城環抱如

岡坡經符家橋而西南至王耐口匯流由城西董家

歡迤邐而南經三里橋五里橋四座橋東南由華家

河至胡家廟入淮寧境與護城堤即河之北岸舊堤

連橋河併雍正五年濬卑薄每遇沙河衝

決繞城四面悉爲水鄉雍正二年邑令吳耀自董家

歡至華家河編置四號不時帮修又沿堤甃水道三

處以洩坡水一在三里橋淮溝之故道也一在四座

橋洩宋家坡水一在華家河蘇家坡溝水由此入焉

堤以禦外水溝以洩內水城恃以無患雍正八年沙

河白帝衝決水勢汎漲堤幾潰邑令王夔龍冒雨督

工防禦自出錢幣餉夫役  
如此兩晝夜得保全無害  
淮溝在南門外耙頭河縣治西北三十

里即汾河烏溝河縣治東北八里自于家青龍河治西

之別名也  
南二十里自蔡境彭家坡入商  
下至王家樓入汾河雍正五年濬  
小清河治西南二

自月牙池受上蔡郟城西華諸坡之  
水下洩於汾併入沙河雍正五年濬  
青泥溝治西南

里在小清河之北蓮花坡自停營坡  
而下至黃家沖入汾河雍正五年濬  
南湖治西南十

冬洞有魚葦之北治北十里受沙河南岸之水  
利民多資之北治北十里受沙河南岸之水

連綿波光蕩康家坡即南湖上接巴村劉村蓮花臧

漾一望無際  
岡坡即北天井坡治西南二十五里上接月牙下

南北十  
蓮花池在天井坡北青龍溝南陵坡縣治西

餘里  
與巴村坡治西四劉村坡治西三雷家坡治

劉村坡通巴村坡治西四劉村坡治西三雷家坡治

二十里門家坡治南十五里五樓坡治東南二十里薛家套坡治東十五里

### 項城縣

頓山

縣北五十里項子城中山勢平行逶迤蜿蜒宛如列幃古詩云項城遠處頓山阿卽此山也

### 河渠

黃河故道

縣東北六十里自宋太平興國十年河決

扶溝西華周家口

頴岐口俗呼尹七埠口牛家口項

城舊治槐坊店

又東歷太和縣至頴州北合頴水而

注於淮自黃河決而南與沙河時合時分其

澱河縣

分流故道今盡淤塞達淮者皆沙河也

澱河縣

五十里卽頴水也自頴岐口與沙水分流經南頓集

下村集直溝頭受婁堤河水又東入沈邱境死河口

受縣北新河城內虹河縣南石橋新橋河等水歷沈

邱縣頴州復與沙河合注於淮頴岐口今淤舟楫不

行虹河

西漢漕河舊濶十餘丈上出包沙通郝鄆經城內下達潁水形家名為玉帶關文風明嘉

靖間知縣張鉉戚衰疏通之歲久淤塞康熙十六年知縣周起龍疏之次歲韓增登賢書二十三年春知

縣顧芳宗復大為疏通河流濼澗是歲夏中產瑞蓮一莖雙莖及秋閭落登賢書弟潮冠副車雍正十二

年知縣劉俶疏濬次年婁堤河縣北十二里上自商高必起郭道疑同中式

知縣錢國寶於兩岸築堤北新河城北三里上自本雖河水泛漲不致傷稼

達新橋河東入潁長四十餘里明萬曆二年知縣賈明遠創開歲久淤塞康熙二十七年知縣顧芳宗大

為疏南新河縣南三十里上自本縣西南清淨坡下濬達韓劉橋吳四橋南入小洪河明萬曆

二年知縣賈明遠開久淤康瓦溝河縣東北八走馬熙二十八年知縣顧芳宗濬

溝縣西北世傳楚項輪羊港在舊縣東北港河縣東羽走馬於此故名五十里今淤

十里分濬河支流下達來家埠口河堤長二十五里直溝今淺塞舟楫不通徐國選等助修

郭家埠口

河堤至觀音堂長十里鄧渡等助修至丁村集長二十里師三畏等助修俱明萬曆

間知縣王欽誥委築

來家曰唐家湖張家坡

水溝一道長六里三百步洪

七溝至大河

濬溝一道長十里知縣王欽誥委劉樞等濬復淤康熙二十六年知縣顧芳宗

濬

朱灘店粟家溝

長八里知縣王欽誥委谷思玉等濬橫絲溝縣東北

上自闌子湖王家橋下達孔家橋入沙河歲久淤塞止存其形康熙二十八年知縣顧芳宗濬

官溝

縣東北四十里上自本縣董家寨下達外河口入小穎河約四十餘里久淤無形康熙二十九年知縣顧

芳宗開濬復捐俸同紳士於金家營建橋一座柳行頭開小河一道以分土流之水建閘橋一座防下河

之丁村北坡溝

二道每道長七里置石閘二座以防河漲知縣王欽誥委趙思恭等濬又

委高遜等挑疏大河至范家口長六里復淤康熙二十九年知縣顧芳宗濬

婁堤劉家溝

長十五里張暄等助濬復淤康熙二十四年知縣顧芳宗濬

時家橋淤泥河溝

里時軸等濬復淤康熙二  
十五年知縣顧芳宗濬 泥河 卽蔡境黑河之支流

河以下名泥河由五座橋經縣南石橋下達沈邱小  
沙河入淮形淺窄兩岸多坡澤與黑河以西之洪河

本不相通蔡人於塌橋北洪河東岸夾溝分水遂衝  
穿黑河直達蔡河一遇洪水泛漲幽黑而蔡而泥洋

溢于汝項境內歲為民患康熙四十八年知縣劉其  
時通詳壇塞立碑為記後被私挖至雍正十二年知

縣劉倣又力為壇塞而蔡近項遠私挖如故嗣於乾  
隆四年蒙管河道胡勘明詳委汲縣丞盧焯建竹絡

石壩於洪河決口節其分流至黑河下之茅河及蔡  
河以下皆動帑挑濬仍於南岸築堤以束水勢知縣

錢國寶遵議濬築自五座橋至石橋共長四千九百  
六十八丈共支銀七百七十九兩八年報完但河堤

窄隘而竹絡壩亦恐不能 栗家溝 縣東北  
永保項人仍有後慮焉 長八里 金家橋溝

縣西南雍 時家溝 縣西 高家溝 縣東十八里自高家  
正五年濬 坡起至張家橋入澗

河長四十里寬 張家堂溝 縣東九十里自踏子湖起  
一丈深五尺 至沙河長九里寬一丈深

五尺闔家溝

縣南三十二里自地犁坡起至李家

秦家

溝

縣西四十里自秦家坡起至五座橋

老萊溝

縣西

十里自崔家坡起至王家橋入

十字溝

縣西二十五

起至婁堤河長八

石家溝

縣北三十五里自石家坡

丈深

李王溝

縣北四十五里自陳家坡起至洪七溝

孫家溝

縣東北八里自孫家坡起至板橋

張家坡溝

在縣北坡之西北窪地數百頃民苦水患今于各地

開洩水溝一道引坡水歸入南頓河又於臨河小口

建磚橋一座

以上石龍溜

在縣北五十里小頂寺

俱雍正五年開濬 下沙河中姜石嶺峻河

流悍急每至冬春湍流一線水落石出宛若龍鱗重

舟經行非數十人挽拽不能上且地棍魚肉行商恣

其勒索乾隆六年奉 撫都院雅檄飭項令 廣陽坡

錢國寶選立夫頭刊列條禁商賈始稱便焉



在縣北滙坡清淨坡在縣西南會坡  
水入北新河水入南新河

### 沈邱縣

乳香臺縣南二里舊產乳香  
故名上有乳香寺  
黃牛嶺縣南三十里  
流鞍河北

### 河渠

古黃河縣北五十里槐坊店南古黃河之支流  
十二年淤塞失故道惟西華境一支入潁河

潁河在縣南關外一口發源登封縣潁谷山故曰潁  
河潁州志發源自汝州山中至小窩西華始大

滙澤南頓洪武初黃河自通許之西支分陳州商水  
入南頓混潁東流項城趙家渡入沈邱新治乳香臺

東過舊沈邱楊橋遠西古城折而東北為長灣又折  
而南為私擺渡經王莊鋪遠北城依黃霸堆而東由

舊黃河留陵出江口經甘城至正陽入淮宣北河縣  
德五年淤塞呼為小河上達汴梁下通淮泗

五十里標坊店南古黃河北崖發源與潁河同自新  
站集與南潁河分流經槐坊店新安集紙店界首至

舊縣入小汝河縣東南三十里積乾柳樹集南溝洫

名添子冢水自北而流鞍河過水邱成河東過黃牛

嶺又東過青陽館折而直北至沈邱鎮入穎河相傳

光武征王等失利渡河沒馬漂鞍至青陽館收散兵

故名流舒陽河縣西關外發源乾柳樹集經鄭家湖

東入逃艇湖縣北二十里相傳光武為王界首湖

南河北四里木黃河水道淤塞隔成湖長三十餘里湖

劉節曾督民開楊家湖縣北十里成化年間穎州同知

兩渠以洩水道淤隔成湖潦則馬家湖

皆樹鄭家湖縣東北二十五里舒陽河南方廣僅五

龍也據此池後閘子湖縣北二宿家湖北二棠棣湖

北三十里綿冢湖東寸三丈陂在縣西南水經云澆水又東南左迤為葛陂陂水東

出為銅水俗謂之三丈陂蔡家窪南十丁家窪北十阮家窪西南

谷家窪西北雙溝在西南鄉小汝河北自沈邱河八

中過小汝在沈邱小汝河九里溝在沈邱東

額入逃艇湖溝 鄭家湖溝 蔡家窪溝 廻龍溝

宿家湖溝 瓦廟溝 明水溝 常食溝 丁家窪

溝 雙溝 卞家溝 九里溝 閘子湖溝 大紅

絲溝 楊海營溝 棠棣溝 十字湖溝 金家廟

溝 三丈坡溝 馬家溝 冰邱寺溝 王家橋溝

王家窪溝 龍灣溝 又龍灣溝 王家郵溝 小

紅絲溝 大橫溝 流湖集溝 老龍腰溝 張白

毛溝 古皂溝 路家橋溝 夏家橋溝 周家橋

溝 捐望溝 劉家橋溝 熊家橋溝 朱家橋溝

姚子溝 石橋波溝 老牛愁溝 吳家橋溝 李

家溝 黃城村溝 戚家湖溝 高山店溝 李村

溝 鷄心灘溝 鞠家集溝 三里橋溝 响水溝

李家村溝 香臺寺溝 李家湖溝 老來溝 李

家廟溝 劉景營溝 柳溝 又柳溝 白馬溝

蕭家溝 魚營溝 橫溝 管家溝 孫家溝 一

丈溝 拖邊溝 楊家溝 絲溝 東橫溝 西橫

溝 洪溝 北橫溝 小直溝 董家溝 孔家溝

劉家溝 水門溝 雙溝 皂溝 王七溝 常逝

溝 西古溝 一丈溝 甜瓜溝 淘米溝 十里

溝 王家溝 蒲溝 盧溝 八里溝 白龍溝

劉家溝 新溝 郭家溝

舊志載溝而不及疏濬之人厥功民焉今考從前疏濬之功有不容畧者備得載錄

明萬歷間知縣宋存德疏濬溝洫知縣劉世光疏濬又因鄰縣索夫助役疏濬劉景營一帶

國朝康熙十四年知縣戴良佐疏溝洫二十三年知縣郭金璧雍正九年知縣劉謙繼疏十二年知縣諸齊賢

濬橫溝十里溝西橫溝劉家溝舊日淤塞又新開闢子湖溝趙德營溝乾隆二年以後知縣王郁文疏濬

新安集北一帶蔡河九年知縣馮奕宿因縣東楊家湖水氾濫挑挖王家溝一道長四里四境溝渠通爲

濬治十七年署知縣何源洙徧查溝洫淤塞者躬詣勘驗委典史督工疏濬深通

以上七縣溝渠俱于乾隆十二年奉

撫都院碩布政司王管河道沈檄飭逐一疏濬

深通

階曰陳地固滂下矣然春秋以前未聞時有水患而爲隣國所弔恤也良以井田未廢溝洫猶存秋水時至藉以灌河所謂濬畝澮距川也自秦變易先王良法廣開阡陌迄唐宋而下陳之水患頻仍乃屢見于史冊焉噫溝洫之政顧弗重歟余自蒞豫十有二年承乏苑下又七載于茲舉帷問俗足跡徧四境往往求溯古之沙蔡渦谷諸故道並百尺五梁廣漕等溝

渠皆湮廢莫考及檢閱志乘又每見一邑一鄉之中  
曰湖曰陂曰窪者所在多有小或數十畝大或數十  
頃倘所謂鍾水之區者非耶故知國有大澤澇可爲  
容古人棄地而爲溝洫以分洩之築爲陂塘以儲蓄  
之不與水爭利而恆受其利今匠人稻人之制渺矣  
而愚民罔知不特所謂陂湖皆侵爲耕地抑且溝洫  
之間稍有尺寸淤墊亦莫不蔣插焉故夏秋霖潦水  
無所歸易致泛溢在水不過遲其故瀆而在民反謂  
浸其田里此亦情勢之所必然者也况水性就下源  
源千里或百里或數十里必一爲停蓄蓋川王流澤

至聚川則從源頭達之澤則從委處蓄之澤不得川  
不行川不得澤不止而水經所註諸水每逕一郡一  
邑之間亦莫不右迤爲湖左迤爲陂稍爲滙聚而後  
下達若使無陂無湖以緩其勢竟此一線河流建甌  
直下有不潰決者乎夫天下水之至大者莫江河若  
設使塞洞庭而使諸水盡入于江堙洪澤而使諸水  
悉歸于河吾知江河雖大亦必汜濫旁溢而爲患矣  
今若倣古人之制尋其故瀆盡疏導之留其陂湖盡  
儲蓄之水患未有不息者然勞民奪地必且羣起而  
相謂曰孰殺子產吾其與之何則愚民難與謀始也



爲今之計雖故瀆難以悉通而溝洫尚易爲力留心民事者每于農隙勸相督課使各按其地各盡其力時加䟽利而不侵佔阻塞與水爭尺寸地俾田坡之水由溝達洫而注於河雖有旬日霖雨亦不致大受其患矣邱濬曰井田之制雖不可行而溝洫之制則不可廢是則階之所殷殷望于賢有司者

津梁附

淮寧縣

潁陰渡

南五里

潁岐渡

西南五里

蔡河渡

東南五里

柳林渡

西北二十五里廢

曹家渡

在柳林上流廢

李家埠口

在柳林下流廢

郭家埠

口西南五里周家埠口西南五里牛家埠口南三十里苑土

集埠口西南四十里四門橋四門俱有磚橋顯德橋糧城門內

鑿河時卽有東西橋顯德橋通濟橋城東運寶家橋

城東蔡臨蔡橋臨蔡城北柳林橋柳林集西張家橋有二俱臨

河中大石橋鞍子嶺北陳家橋有二俱東南黃家橋南五里蕭家橋

南七高橋東南六里程家橋東十里方家橋東四里新站橋上

折去中座李家橋有二俱東南三孔橋有二俱東南朱家橋

有二俱呂長橋東四里楊公橋東南五里董家橋東南五里

栗八橋西三十里許家灣橋西南三十里羊皮寺橋西南五里賀

家橋西五里

太康縣

青陵閘

西南三十五里明洪武年間河淤革

五里口

西南五十里通西華

西村口

秋江泊

東南三十五里通柘城

哈寨渡口

楊家馬頭

北五十里

冠柘城

古家馬頭

遜母口

學河閘

西南三十里今革

五子

口 樊噲口

磚橋

北十里明洪武元年建今淤

安濟橋

縣南明洪武元

年建新店橋

西北十里明洪武元年建今淤

南薰橋

南門外

迎恩橋

北門

外朝陽橋

東門外

樂成橋

西門外

清河橋

魏家橋

白

波窪橋

娘娘廟橋

老冢集橋

江陵窪橋

土

橋寺橋

王家樹

官橋

清水河橋

白羊岡橋

王相橋

郭家橋

王東石板橋

雁家橋

鐵

佛寺橋 磚橋 萬家橋 谷陽橋 便人橋 謝

橋 崔橋 宋家橋

扶溝縣

陸家橋 縣東門外五里許水路上通朱仙鎮下通西

商賈輪蹄絡繹不絕橋寬五丈餘沙淤易圯行人病涉夏秋尤劇康熙二十九年三月修造往來稱便

白家潭橋 西北四十里董家橋 北二十五里通汴梁呂家潭橋

東北十八里集西板橋集宏濟橋 東關外雙通汴橋

甫新建石橋最稱壯麗 泊新河上 北郭外雙 惠民河橋 一名平政橋即陸家橋康

橋 東上 李家橋 東南十里侯家橋 東南十里邵家橋 七里

家橋 東南十里焦家橋 東南二里陳家橋 七里周家橋 東

三里七里河橋北三里俗呼高橋孟亭橋西北三十里許家橋西北

八里雙洎龍堂閘東三十里明初建四閘為通運也今俱廢快活林閘北

三十里今馮陵閘東北五十里崔橋閘東北六十里水柵康熙

八年知縣趙如桓於各橋門置水柵扶境有二河一曰惠民上接朱仙鎮下通江淮一曰雙洎北通渚河

南入沙河舟楫往來絡繹不絕其中奸宄時或隨波出入為商賈患趙侯乃於橋梁處所堅置水柵兩岸

復築墩堡飭兵役防守經商遂無阻滯趙侯以水柵式樣繪圖詳請各上臺上臺嘉其能遂令凡沿河州

縣皆依此式防護河路之清實自此始

### 西華縣

東橋縣東三里西關河橋舊建西郭外玉皇閣右因河身微曲往往撞損行舟知縣介錫

鈴惻然念之於乾隆七年首倡捐修南移數寸武善民邱國慶捐助買地剏修既免舟行之艱亦復大利

行旅北橋縣北 黃土橋渚河上 新棚橋縣南長樂鄉 長樂橋縣南

丁家沙溝橋縣西清水鄉 磚橋縣西南張名鄉 龍池頭橋縣西 喜

岡橋縣西南 通津橋縣東南李方口 首陽橋小窰鎮西 蔴鞋灣橋

小窰白家橋小窰鎮北 郭家橋縣西北 李家橋縣西北 徐

家橋縣南 二紅花石橋縣西 二張官橋縣西 姚家

橋縣西 八常社店浮橋歲水涸成梁水漲即撤去兩

駢水面始建者常社耆民趙表也今雖已廢然詩思

資於灞陵麗情繫乎桃葉每經此渡輒令人有興廢

之感清流石橋縣西南 十八里往來孔道地勢窪下衆

東西間阻卒難得舟往往有涉而溺者邑紳王遵訓

於康熙十九年二月內獨力捐資赴山購石造大橋

一座小橋二座磚橋二座長堤數里公私便之二十

培捐貲重修大水時至歲漸傾壞繼有善士邱文忠  
 罄囊完補數年無間乾隆九年大毀文忠子國慶捐  
 二百餘金賈家溝石橋在西郭外溝陡隘舊有小橋  
 重修完固謀易石約費三百邑人金有宋捐四之一仍不足武  
舉朱捷監生張鐸為募致錢八萬足成之人不病涉  
**官清溝石橋**舊建歲久多敗橋東路狹不堪於行監  
生何繼宗於雍正五年捐地四畝勸修  
 大道完補石橋遠近便之

### 商水縣

**周家埠口渡**縣治東北十八里沙河渡口**齊家埠口**

**渡**舊止一津今市廣人眾非**齊家埠口**在市之東**新**

**埠口渡**在齊家埠口上**老街埠口渡**在市中西**小埠口渡**

在老街上**趙老人埠口**西北二十里通西華**渡水橋**縣東郭按綱

里通西華**渡水橋**縣東郭按綱

目後漢淡熙

十八年魏揚州都督男邱儉起兵討司馬師李家橋師引兵擊之進據潞川閏月次潞水橋卽此

東南六里焦村橋東南六里今地五里橋南五里七里橋南七里三里

橋西南三里雙橋南八里姚家橋東南十五里通項城董家歡橋北八里

符家橋北八里天皇廟橋西北十里馬家口橋西北三里楊家石

橋西北十里陳家橋西北十二里今廢四座橋東南八里胡家廟橋

東南十里華家河橋東南十里邑紳劉芳修龍塘河石橋西南十里鄉

民郭大壯修乾隆十年鄉民郭文昌重修高家橋西南十五里沈家橋西南十里

魏家橋西南十里西魏家橋西南十六里羅家橋西南三十里吳

家橋西南十五里喬家橋西南三十里趙家橋西北五里王溝橋東北

五馬家河橋東南十五里十字河橋東南八里黃家衝橋東南



十二里乾隆九年高家石橋東南十里火燒橋東南十里

靈官柿園橋火燒橋朱洪橋柿園任家橋朱洪李家

橋任家奶奶廟橋李家唐家橋奶奶大石橋西四鐵

爐橋大石譚莊橋西五巴村橋西四牛頭寨橋巴村

耙頭河橋牛頭雙龍橋東七楊溝河橋南二十王家

石橋東十卧龍橋南門盧家橋南二十乾隆二年

永寧集大板橋東北十八里小黃河入沙河處

項城縣

沙河渡縣東北潁河渡西北蓮池渡東五王名口

渡東北二柳行渡東北直溝渡東四丁村渡東

三十里 朱家渡 東北三十里 來家渡 東北三十里 鄭郭渡 東北五十里

穎河渡 南十里 澗河渡 南十里 虹橋 城內南大街知縣張鉉建居民韓忠義重

修小虹橋 儒學東新街明邑人穎州同知秦孝建天

民捐貲 高邱橋 東北八里明邑民石瑛建高銳重修

重修 憲記 郭家橋 東三十里 丁村橋 東北三十里 范家橋 東北五十里 項

功 水橋 西三十里 三里橋 北三十里 朱家橋 北七里 婁堤石橋 北二十里

明石瑛建知 縣魏勳重修 又小石橋二座 一明知縣湯瑞霖建 一明義民趙瑞修 平

鄉橋 西七十里 明邑民鄭良臣建

### 沈邱縣

外河渡口 西北二十里 徐家渡口 南二十里 香臺寺渡 南二十里 熊

家家渡

西南四里

泥河渡口

西五里

西徐家渡

西十五里

黃家渡

西八里

王家渡

東南二里

响張渡

東南八里

紙店渡

東北十里

蓮池

渡

西北十里

里仁集渡

西二十里

新安集渡

北三十里

私擺渡

東北三十里

槐店渡口

在槐店集

劉家渡

新安集西

李家渡口

新安集東

郭家渡口

李家渡口東

東門橋

西門橋

南門橋

門橋

磚橋

西關外

倪家橋

西關北首

王家營橋

倪家橋北

義橋

西關外

南關西磚橋

王家橋

西關外

三里橋

縣東三里

周家

橋

南五里

路家橋

周家橋北

劉莊橋

西南十五里

徐家橋

西七里

永

興橋

在槐坊店

廻龍溝橋

東北三十里

平鄉橋

北七十里

晏家橋

西四里

里

馮鳳橋

離縣三十里

大石橋

離縣四十里

程家橋

北四十里

下溜

橋黃河 魯家橋毛家營西 鞠家集橋在集南  
南岸 安家窪在集北

陳州府志卷之四終